



西郊笑端集序

西郊笑端集序江西按察僉

事上洋董良史先生之所作

也先生在勝國時與會稽楊

廉夫曲江錢惟善郡人陸宅

之數先生以古學鳴於吳人



國翰先生省撫賢良

詔試 內廷稱

旨授以肯職方是時

高皇帝歿元綱曰弛以漉繩
治往者遑遑然苟免以爲奔
求一解顏莞爾已不多得况

望開口而笑抑敢咲堂而笑
者乎然山此陞變則相安于
耕鑿之餘擊壤鼓腹以爲樂
而不聞有愁苦歎息之聲者
漉正于上惠洽于下撫于天
而順乎人也先生幡然來歸

謂與某榮于翰孰若免辱
千載之為愈與某貴于一身
曷若安父母保妻子之為得
溥達于敷樸適意于林野冲
然純雅之音鼓於興之所至
客或見之則曰謀一笑而已

多不肖笛某稟間有存者題
某首曰西郊笑端集蓋言今
之笑悟肯之不能笑矣非有
關於時事之大者乎先生初
歸清溪周氏交翠延主家塾
教三子交翠尋以事成大寧

越四十載而冲子怡蓮間關
來歸謁先生墓求笑端集則
已殘鼓命予樂間漏求稍完
得鱣梓未果今孫光祿少卿
尚文又彙集其詩與文總著
一篇乞予敘首刻之烏乎祖

有善而弗彰非仁也父有志
而弗鬻非孝也尚文之成是
集不惟累揚鄉先生之化而
仁於祖孝於父也抑厚矣使
父祖與先生耿耿有靈又寧
不含笑丐地下也耶故爲敘

成化四年戊子二月既望
翰林侍讀學士奉直大夫
國志總裁直學士
文華殿學士錢溥書



西郊笑端集序

皇明初松江之善詩者御史袁景
文為最判官陳文東鄉貢進士陸
宅之江西僉事董良史處士吳子
愚輩亦相頡頏鐵崖先生會稽楊
廉夫避地而居松其才贍氣雄震

耀當世則一時才士皆宗之往往
高古不逮詭怪層出又景文輩所
不屑也自後漸入纖巧初學感之
識者惟宗景文焉景文有野中集
近方板行而良史輩特間采錄於
編類之集耳光祿少卿周尚文乃

吾松世家其曾祖汝明嘗館良史
於塾祖仲鹵其弟子也得其所著
西郊笑端集者藏於家父封中書
舍人溥欲板行之而未果尚文遂
躬為編校而行之蓋所以厚前輩
成先志惠後生也集凡若干卷詩

家諸體咸備應世之文亦附焉欲
觀良史之全者無過是矣蓋良史
涉歷艱虞竄伏田野漫尔而仕漫
尔而歸歸潔其身而已詩文亦漫
尔而著弗冀有傳也今光祿公乃
俾為不朽之盛事其忠且厚當何
如哉惜良史素務韜晦其出處之
詳官業之大不得備見以為後法
而徒以詩文鳴亦云不幸矣幸而
有傳光祿公之力也又安得如光
祿者皆蒐羅前輩之作併刻而傳
之使後之學詩者以鄉人而師鄉

人氣味相近不至頗僻以成吾松
之雅音云

成化九年癸巳九月望

賜進士出身承德郎兵部主事郡
後生張弼謹序

大端集

松江董良史著

後學周庠校刊

日重光行

日重光日日向西沒朝朝出東方日重光誰目
爾名為太陽當時羿射十殺九如何爾獨箭不
傷日重光浴乎咸池拂榑桑周天不停照八荒
人歸長夜臺長夜一何長日重光混沌初分有
盤古爾今獨在盤古亡日重光東方天又明叶
夜臺自冥冥叶

雜歌行

山鳥日日喚提壺勸君酒盡須更沽千金五花
不足惜莫對囊中錢有無人生百歲幾時好大
是愁多歡樂少朝見開花暮落花昨日朱顏今
日老為君起舞為君歌當年不樂柰老何

春閨曲

重門半掩梨花院博山飛烟遶梁轉曉鶯啼傍
小窓來只在柳梢看不見羅衣單薄惡春風却
要捲簾令燕通春愁只能消臂玉何時得消紅
守宮對花強揀花枝折心事可向旁人說

薄交行

古人結交能結心雲天爭高海同深許身慷慨
死知己一諾不翅千黃金近來此輩交難託昨
日尋盟今背約動於利害計秋毫未及春風已
霜落薄交薄交奚足嗔莫望今人似古人

鴻門會

卯金刀先入關不合楚人意楚人力拔山氣蓋
世言可食盟可棄四十萬人皆勇銳張子房別
無策抱奇貨臨不測重瞳玉珖光相射坐上龍
顏如土色使落當時舞劍手安知誤人非項伯

嗚呼鬼朴猶怒咲未疽身已病是何堅子不足
謀四百開基有真命霸上立殺曹無傷玉斗一
聲分漢疆

來日大難

來日大難誰汝憐頭白面皺命弗延早知大難
學神仙不食烟火無死年王喬八公術可傳蓬
萊採藥無樓船不如即時有酒據眼前一醉可
以通大道合自然無事長歡笑荷鍾相隨不須
弔營營以朝暮壽比錢鏗亦虛度

拜月詞

畫堂紅影搖銀燭繡幕圍春香馥馥晚粧着意
新梳沐梨花月上闌干曲闌干曲掃花陰黷能
席地朝月拜夜夜願得長如今

烏夜啼

青桐月仄烏夜啼銀河倒轉紅樓西蟲聲唧唧
在四薛麝蘭烟裊金梭猊碧紗盈盈風暗起銀
缸吐花十分喜試將鴛錦計短長恰好裁為合
歡被合歡被縫不成金斗無溫翦刀冷細意製
帖難為平沉吟停素手相思情轉多看罷回文
字粉淚濕香羅

霸上軍

三綱淩夷秦失鹿天下紛紛競追逐白蛇當道
毒傷人神劍一揮蛇毋哭素車來降軹道旁諸
侯有約當為王悉與父老除苛法約三章倉粟
既多兵有糧不勞獻饗持牛羊逆理則敗順則
昌何必猛士守四方君不見弒義帝屠咸陽陰
陵失道嗟天亡

望夫石

昔此與郎別此是郎歸路望郎不歸幾朝暮當
時恨不隨郎去今日知郎在何處妾身為石
恐郎歸來郎不識石眼有時開郎面何時覲石
淚涔涔土中滴

鬻女謠

余嘗讀兩山李侍郎鬻孫謠意謂昔時養民
厚俗之政大備宜無一物不得其兩何至使
人有此者不無惑焉隣人張氏鬻女其事頗
與此類不意於今日及見之作鬻女謠

東家夫婦無丁男止有兩女冬猶衫客來又議
鬻其一父母不忍聽兒談長云弟幼我應去幼
謂我去兄當住心知父母非不慈不然租稅從

何措兩兒去住爭未決父母狐疑客催別大兒
行泣小兒隨道旁觀者皆嗚咽

四時詞

日高繡櫳花影滿流蘇不動香雲暖春來欲睡
起偏遲猶自向人嬾夜短墻外秋千士女嬉海
棠開傍禁烟時金籠鸚鵡新調舌白得回文錦
上詩

象林翠拂瀟湘水碧紗如烟吹不起珊瑚雲枕
七寶粧玉山自倒冰壺裏荷花瀾鵲銀屏光扇
車風來薇露香佳人雪手卷輕翠荔枝壓漿調

蕉霜

露下碧梧巢鳳寒悲蛩暗啼金井闌風吹繡幃
羅袂薄琵琶零落無心彈誰家月明正搗練十
二闌干愁倚遍錦水鴛鴦不獨栖芙蓉一夜生
新怨

江天欲雪雲已同畫堂和氣春風中銀鵝金鳳
盤翠沓肉屏光照黦氍毹紅熊掌馳羊尾酒錦
筍寶瑟如蕙手燭花落翦香半奩銅壺漏滴三
更後

織布謠

朝拾園中花暮作機上紗婦織不停手姑紡不停車園中花有盡蟲蠶兼風損苟通商販來騰踊價無准經多愁緯少買花連夜造不惜斤兩過且要邊幅好門前索租賦催錢又催布細意織得成猶恐監官怒年饑負私債錢物無稱貸擬儘納官餘抱布城中賣城中布雖賤得錢圖得現不恨利輕微但願身常健舉家忙不已一絲難上體錢布汗血成監官莫輕視

鳳鳥何不至

鳳鳥何不至碧梧空好枝百世一巢阿千年一

鳴岐雖云有其名誰得常見之余生去古遠仰愧聞而知仲尼歎吾已楚狂歌德衰燕雀爭高騫白日喧梟鷓蕭韶在虞廷此物當來儀

問天

顏淵短於命盜跖終以壽貞廉迫齏鹽淫富酒肉臭奸凶惡不報良善吉罔佑蘭蕙花易衰蕭艾根易茂雖云物有數天意實大繆賦子亦既偏視聽復賀賀是非竟何在斯理孰可究問天天不言納納自昏晝

螳螂捕蟬歌

蜘蛛網破蜻蜒走燕子穿花避鴉舅幽人睡起
靜中觀更有蟬聲在高柳螳螂捕蟬蟬未知黃
雀又擬螳螂後兒童調藕欲黏雀竿動雀驚兒
縮手湏臾螳螂亦引去彼蟬蚩蚩得無咎世間
萬事無不然人或設機天却否莫將閒慮掛眉
頭不如且進杯中酒

採桑曲

清晨採桑露如雨妾身本是良家女使君有婦
妾有夫妾請使君聽妾語人生節義重移山一
女二夫非等閒秋胡黃金道旁意直見生死嫌

疑間不惜朱顏鏡中老只恐蚕多葉稀少蚕多
葉少蚕苦飢蚕少不堪衣債討朝桑暮桑欲如
何繅車未停催上梭無心巧粧濃畫蛾鏡臺蛛
絲縈網羅

存介齋箴有序

華亭劉克讓揭其齋曰存介時名賢咸賦詩
一日持卷來徵余言作存介箴

人或未然我審其幾人圖已然我防其微靜而
能慮動則弗違避惡如仇從善如歸毋蔽尔明
視於無形毋塞尔聰聽於無聲悔吝先覺咎從

何生是謂存介慎保令名

讀書莊為張夢辰

榆柳蔭我門
蘿薜網我屋
開窓與山對
逶迤見深谷
風來地如掃
雲傍簷下宿
藥苗青蓋畦
桑柘連村綠
半間鶴平分
清玩靡不畜
縱橫列左右
畫卷雜詩軸
無侶酒一壺
有客棋再局
好琴棄書置
惜書典琴贖
筆牀乾燕泥
茶烟暗溪竹
同游半紆紱
諸弟皆食祿
經年不入市
隣曲還往復
黃雞啄黍肥
今歲畝田熟
新春已儲序
機鳴綃盈軸
衣食在温飽
官賦期早足
理亂既不

知亦竟忘寵辱白頭抱遺經自課兒曹讀

六有齋

沙岡俞子誠氏名其齋曰六有益取橫渠張先生告其門人尹氏之語謂言有教動有法書有為宵有得瞬有養息有存也學士大夫咸詠歌之求余品題為作詩一首

人性靡不善至理無古今苟能希聖賢彼心即吾心升高必自卑踈淺當就深莊嶽置數年楚子亦齊音我友清老喬超然脫塵簪揮手謝聲利畊鑿東溪潯延師教孫子買書不論金暇日

私緒餘聞善意所欽六有用名齋佩服作規箴
言動慎躁妄日夕思無淫以茲瞬息微存養防
年侵仰止敢或懈常若橫渠臨春風扇微和涼
月數清陰幽花拂簷舞好鳥當窓吟于時一壺
酒自酌還自斟其中有真樂樂向其中尋

人居天地間

人居天地間所遇皆我宅視宅已知寄視身又
為客百年猶苦短何況不滿百不生竟不死有
失因有得造物既如此多言愧緘默

次韻全希言學士

慎言玷可磨學道堅可鑿聖盡鼻不傷唇亡齒
先寒得喪本前定居俟何後患終南徑雖捷蜀
道行轉難至理豈云遠在人方寸間

錢舜舉捕魚圖

脫蓑掛船尾鼓枻坐船頭得魚既換酒款乃揚
中流妻兒冒短篷苦無風雨憂日暮向何處白
鷺古時洲

古意

妾心石中玉郎性風中花花飛自不定玉絮終
無瑕不照妾心潔不如棄道旁任郎輕薄性飄

轉隨風狂

次韻樊文淵郎中四首

老驥志千里蟄龍卧三冬歲寒知後凋惟彼柏
與松所以古君子韜光養跡慵時來意氣得叱
咤風雲後

莫操齊門瑟莫投光範書孔明有知己自顧南
陽廬蘊真玉混石失勢龍為魚君看才名誤文
園老相如

堂前可栽竹墻下可樹桑更祈廣阡陌稼苗無
害傷治生喪亂後真如反屠羊富貴非所願溥
風仰羲皇

東家哭未已西家復悲啼出門問何故役夫行
別妻少壯既從役誰當荷鋤犁歸來掩空室念
此常栖宿

晚翠軒

遠山沐新雨秀色如澱潑紅街日半邊紫帶烟
一抹浮看衣欲染淺訝眉初刷彼羨軒中人相
望眼開豁

次韻畚林彥恭并柬王叅議二首

二卵疑苟變五皮致百里用舍各聽天在人何

愠喜求全造物病鑿竅混沌死營營彼何為萬
事同一理

陽春既寡和聒耳皆下里鷄鳴何足怪鵲噪未
必喜日及夜方開蜉蝣暮不死近觀衆物情變
滅無定理

風木軒為丁季悅

有生非無毋失恃纔五齡已慚泣杖俞徒慕刻
木丁誰知樹欲靜無奈風不停終身岡極悲年
年墳草青

過七里岡

黃昏宿山店雞鳴起晨炊風雨亦戒行恐失公
家期陸行多泥塗山行多險巖下高甫平地及
前復乘危七里過八岡車頓僕已疲候門多雜
子衡門足栖遲自非刺史薦遠道來胡為西鄰
儼松菊敢賦歸來辭

槐雲軒

槐之雲兮團團欲雨不雨兮其陰夏寒彼世之
人兮汗馬未乾吾方高枕兮南柯夢還槐之
雲兮人所愛覆我屋廬兮如幢如蓋山作平地
兮乘田變海吾視其下兮蟻穴猶在

自釋

有天即有日在人生稟先未形開闢後已具混
沌前天運如磨轉日行猶蟻旋夜夜向西沒朝
朝出東邊今日復明日不知幾流年大事百年
期三萬又六千其間陰晴外一半夜相牽天地
自悠久人生皆苟延七十猶古稀况可滿百焉
但見世人死不見日離天聖賢何異人虛名身
後傳生前一滴酒安能及黃泉往者既如此我
何苦憂煎

怡顏軒為夏長文御史

孤松出巖阿性豈好奇恠長材受屈抑偃蹇
此態高人識物性拔置軒檻外俾全凌雲勢蕭
散極自在種樹如種德所貴厚能載欲令枝葉
茂要在根本大以茲奉親壽目到心已會欣然
坐忘倦軒宇增爽塏月明看虬龍風過聽竽籟
昔同羊棗嗜今比甘棠愛歲寒三友間此友交
獨耐茯苓萹醜醜艾納熏醜醜榴花落香粉庭
草蔭書帶洞啓南薰窓一笑豁晴靄

養正齋為沈一中

幽齋絕氛囂獨擅林塘勝野色納虛舟天光墮

明鏡囊琴手親斲世事耳慵聽兔移北山文駐
捷終南徑洗心玩周易持志企鄒孟惡名忌食
蒿亂樂思放鄭栖鳥安巢居游魚逐川泳雲開
月自朗風止樹還定順理多所得與物更無競
不假身外求由來復初性

葵軒為平恩尹蘇德輔

菊遇陶靖節蓮遇春陵翁菊取隱逸意蓮有君
子風嘉話至今傳所遇非虛蒙卓裁蘇平恩襟
期古人同植葵用名軒日茲培養功騰焉舉可
則樹德匡厥躬進此正色黃遠彼亂朱紅夕萼
知向西朝葩還附東衛足喻吾智傾心喻吾忠
拳拳愛君念對之彌敬恭牛腰富品題千里走
詩筒葵瑤視菊蓮未必慚二公花若敷而榮軒
若增雨榮勉稱名軒義有初期有終

江南多荒山

江南多荒山無名亦無數於民弗宜畊於官弗
宜賦不生靈芝草不產松桂樹崎嶇復崎嶇總
是不平路昔謂山可愛今知山可惡何時雙眼
開得見無山處

存耕堂為維揚李廷仲

愚者務兼并良田巨阡陌苦作子孫計貪心猶
未塞有田不自耕安能知稼穡但見家不訾大
小生驕佚殊不曉此田乃是無情物百年三易
主到汝知幾易一朝天不佑復為他人得李公
維揚彥高世有絕識喪亂二十年所向無定蹟
或寓南山南或僑北山北豈不念子孫為置美
田宅積金與廣業視彼皆下策惟於方寸地平
居常種德詩書即耒耜仁義廼溝洫利欲以糧
莠孝悌為黍稷既無水旱憂寧假耘耔力富勢
不能奪螟蝥不能賊一氣涵至和沛然有餘澤

蘭芽茁庭砌玉樹森相植家訓重義方弗效于
墻闥高堂日清晏燕樂宜酒食坐上無白丁談
笑盡逢掖封胡與羯末侃侃咸侍側父舊子肯
播慈顏喜盈色大書特書之世作貽謀則

折楊柳

攀折道旁柳相送道旁人行入視無用棄擲隨
車塵折來既棄擲贈之有何情本不管別離別
離情自生三復章臺詞再和陽關曲舊恨與新
愁幾換依依綠不如且休折留與歸鴉窳但使
樹多陰歸鴉來自熟

次韻畬陸宅之蕪東鄭有孚

西墅方駘突東臯復結廬
葺備為上策覆墜戒前車
瓜地鋤仍町苔磯坐或漁
種花頰帶土斷竹更開渠
世俗高無比林泉樂有餘
傲風涼幕捲掩月夜窓虛
故步惟稱獨清談每起予
習池存彷彿蜀道免崎嶇
不見今相憶那堪歎索居
多煩谷口鄭道甫問何如

立春日偶書

我生行年四十五去年失恃今何怙
四人兄弟一人在敢嘆零丁與孤苦
家貧無田惟有書讀書未遇將何如
不農不商又不祿百事無成生計疎
大兒痴頑無好習見人懶作低頭揖
小兒學語未分明近始扶床能獨立
山妻抱兒認父面願汝父子長相見
但令骨肉在眼前到老不嫌貧與賤
紉穿補綻無時息書紛花連夜績
食指衣身累轉多頭焦鬢禿空歎唧
婢着初來過半長手拙未解調羹湯
學攻針線更遲鈍兩日一袴縫三行
蒼頭入門懶無匹面垢脚膝常菜色
使令內外豈云無自然不得分毫力
破屋數間如玉川床頭舊物餘青氈
愁來就枕且醉

眠萬事得失皆由天

錯月十日大雪有懷去年在會諸友時臨清
已死洪洞荆南俱為遷客梅雪繁穢嗟嘆不
足形諸歌詠以寫感慨之情云耳

去年西郊三日雪故人滿眼情歡悅相邀不
愧竹堯寒酒後酣歌耳還熱今年西郊雪又飛故
人故人胡不歸冶長縲綫竟何罪監關去馬音
書稀臨清官閒陶謝流造物乃與春為仇延陵
欲掛樹頭劍不知何處尋荒丘此時盡為豐年
喜我思故人愁未已忍向今年詔去年未必明

年更何似

何如野老住深村二首

伊嗟寒雞啼未了人在霜天待天曉儀禮喧呼
已唱名猶怪朝官來不早馬上公卿兀殘夢手
冷青絲無力控酒醒未得半夜眠又被紗籠催
走動何如野老住深村日高丈五猶閉門
此行敢謂儒冠誤進步青雲登仕路不投先範
一封書底用蓬萊三獻賦雞鳴待詔留金馬日
仄拜辭丹陛下獨持使節瘴鄉來性命鴻毛身
土直何如野老住深村一生不識州縣門

挹翠樓為周彥章

元龍豪氣高百尺眼界只嫌平地窄小樓窓戶
出林開面對好山如好客好山可望不可招或
若有意來相朝世間萬事跡易掃惟有山色無
時消蓬萊之股疇割左似是天邊落星墮偶然
喚作大小金十二峯頭青朶朶樓中看山無厭
時陰晴朝暮總相宜何須他求賦挹翠倚闌滿
目無聲詩幾家有樓能看山有樓無入如我聞
山外看山山更好反勝俗子居山間

趙文敏公畫馬

君不見良馬出自余淵體流赤汗口齧涎目
如華星走如烟雞鳴韝越夕稅燕天地不足相
周旋親隨真龍飛上天乃在元狩之二年奚官
鞚引丹墀前錦韉玉勒黃金鞭重價不售如山
錢玉山之禾新甫栢為芻為皂聲籍籍當時圖
寫豈無人神駿不傳空自惜開元畫馬誰稱首
曹韓並駕真希有歛見驂駟筆法親孟字王孫
今絕手看畫非難識畫難此圖未許常人觀眼
中有畫始知畫但恨世無楊契丹

子猷訪戴圖為朱梅雪題壁

清夜開門滿山雪梅雲淡鎖朦朧月迸泉走突
澗底冰空谷應聲如石裂此時此景天好竒天
發人趣人無知自非子猷殺風景刻漢寐寐徒
爾為扁舟乘興亦草草興盡何須見安道當時
不見故云高若使見時無此好高軒素壁瑩如
練乃有徐卿塗抹遍千載山陰一笑端彷彿於
今畫中見

感廢

桑田或時變成海古來人物今誰在燕入烏衣
巷陌非鶴歸華表居民改王家富窟石家樓至
死貪求未肯休金銀成堆珠論斛一朝盡屬他
人收獨立西風重欷歔回頭不忍分明視荆棘
叢邊瓦礫場亦是誰家歌舞地平生兩眼醉復
醒看盡人間幾興廢

三味軒為張瑞卿

人莫不飲食所病知味少惟有江東老步兵世
味深知見幾早菰嫩兒臂白蓴香釵股肥鱸魚
更堪膾四腮天下稀人生貴適意富貴將何為
萬錢下筯空暴殄千鍾食祿多憂疑當時豈真
為口復直指秋風作題目敢言主簿死銅駝華

亭鶴唳傷都督步兵上天家法在子子孫孫今
幾代侍郎夕食止葡萄此云三味猶嫌怵見在
生前酒一盃過如身後名千載

送羅照磨之官廬陵

我昔觀風十載前繡衣光耀西江船賣劍歸耕
十載後君向西江我折雲間柳西江水日日清
西江月夜夜明願君之心如水復如月洗民煩
冤照奸譎賢才為政效驗多要聽一一歸來說

親戚情話詩并序

故人俞原肅不遠數千里自武陽來歸訪親
舊於二十年後如殘星之落落存者無幾其
弟原魯已物故原舉挈家仕遠方惜不及見
惟原魯妻子在鄉里及見耳况原魯續絃凡
其有所出皆別時以後事今所及見則為易
世矣余故作是詩以遺之

故人前身丁令威去家多年今復歸江山如舊
城郭在宗族易世隣人非弟婦從來未識面升
堂叙禮還相見呼集諸孤伯父前舉觴逐一殷
勤勸為言夫主去從軍五載音書絕不聞人生
有死亦何恨最苦軍籍名猶存丁男未大要補

後徃徃移文催不息紀錄申鳴續有條案吏無
錢行未得暮功強近希誰助叔在旁州守墳墓
今年兩度寄聲來又作長淮幕官去零丁薄命
止一軀况乃累歲多艱虞殘喘雖存食指衆自
度何以全諸孤故人低頭聽說罷不覺吞聲淚
盈把我今自是羈旅人有策安能抹孤寡

雨瀟瀟戲而有所贈

雨瀟瀟泥滑滑風如刀耳如割行路正難行行
人欲愁殺馬上顧舟中貴郎遇富翁驅馳莫相
笑同是路途窮富翁舟中無坐立貴郎馬上羶

衫濕腰纏十萬受此寒不如在家貧亦安

擊壤歌言民樂有賢令尹而羨之也三首
姑緝麻婦紡花丁男在田女在家吏卒不下鄉
官無橫科差老翁弄兒孫逐影向壁擎東隣酒
西隣茶從朝至暮笑呀呀布穀昨夜鳴村村補
桑麻不違農作時今年落秧早愛民如子縣令
心無事擾民如此好

夫撒秧妻採桑農事已興蚕事忙大麥萸萸秀
小麥萸萸長菜花半稀青間黃今年縣官好民
害不下鄉田家得安業出入無驚懼日力豈敢

嬉夜共燈燭光催了機上布便是囊中糠飢寒
庶可免逋負亦可償不患心頭損新肉只要眼
前醫舊瘡

中秋對月

天長地久無年數已往中秋知幾度世人看月
自古今月色年年只如故一年一度看中秋看
去看來今白頭不如酒酌明月更能幾度登
高樓

己巳正月十五日雪中懷仲基公子

臘前不能分寸積纔入春來便盈尺繼夜東風

吹不消太陽無覓雲四塞莫問宜多與宜少豐
凶未卜為何兆江山圖畫若天開入境一時諒
絕好故天只隔濠東西近似山陰剡溪乘興
出門還興盡此時應已醉如泥

題歌行次韻俞律基

君不見朱門空鎖春窠窠粉牆影斷秋禾索昨
夜歡娛今已非空滿欄花自開落人生柯必委
苦思得失與亡俱有時捧心嘗膽事何異越看
勾踐吳夫差館娃姑蘇極佳麗策獻西施比鴛
魅機深鳥喙亦徒然蜀道難行却云易朝為燕

日暮白波此理誰知
藍采和少年不飲復不
百歲光陰能幾何

金仲宣畫

上方樓閣層巒顛鐘鼓彷彿雲閣傳丹梯有路
容一到伸手便可捫青天霞標東望赤城近水
光下瞰瀟湘連褒斜潛通子午谷瀑布倒掛香
爐烟曲闌回磴走千轉合抱長松知幾年衣冠
何來抱琴客莫是避世商山賢夕陽殘釣催罷
去西風快帆爭後先金郎筆法擬北苑只赤萬
里多清妍高堂看畫動歸興明朝亦纒松江船

送黃師古歸鳳山賣藥

鳳山之雲如鳳起鳳江之水清無滓山中羨人
黃石孫面山結屋臨江水家傳一編圮上書讀
書不為章句儒年已三十未有鬚學識迥與常
人殊春風杏林紅遶屋石田夜雨參苗綠松花
釀酒壓流霞茯苓煑飯抄香玉賣藥不較利重
輕丹砂煉得黃金成伯休自謂人不識何事女
子猶知名去年俄膺太守薦歛然聲價迥群彥
南城最喜得賢才無異昔時三語掾金陵逆旅
相逢日舌似瀾翻目如漆宵中耿耿不得寐肯

復區區事刀筆，理歸裝買吳榜囊。無一錢膽，
何壯三十六策。此為上能作良醫，比良相。

采石夜泊

江月寒生千尺暈，江聲暗流千古恨。謫仙醉魂
招不來，月在青天誰與問。放歌把酒蛾眉亭，白
露洒洒風泠泠。無人燃犀照幽怪，夜靜魚龍還
出聽。

遊山聯句

洪武乙丑歲三月十有七日仲基俞公子舟
次西郊之上邀予遊干將鳳凰諸山偕行者

五六輩俱清淡，風流是夕抵中山之淨行寺。
登半雲亭，訪棲霞樓遺跡。主僧設茶供具，蔬
筍意甚勤款。以其拘浮屠戒，初弗置酒。衆皆
索然無歡。仲基命舟中取一壺就酌，酌之無
筭。酒盡更續。顧謂予曰：今日之會樂甚，不可
無一語以識。歲月予欣然捉筆，率在席之能
詩者相次聯句，得二十韻。明日客請錄之。故
序其畧于篇首。云：時同賦者仲基之兄原魯、
弟季明，其三人則朱良佐、陸德輿、氏洎、予、
董良史氏也。

皇帝十八年立夏前二日烟消雨開霽史天朗
雲獻喬舞雩詠既罷魯蘭亭會方畢農人將勤
動史我輩俱暇隙良辰每難逢基樂事安可失
放舟中山寺明借榻半雲室登臨戒匆匆佐歷
覽期一一鳳凰飛不去史干將對相屹輿仗此
泉石緣魯已我烟霞疾評詩遇支遁基看畫思
摩詰史茗淪先春芽魯香集遠方物史空谷應
群響基清風生兩腋庖厨絕葷羶明盃盤示真
率錦棚脫稚子佐火劑供崖蜜史蔬品芥臺辣
魯餅餡藤花秘史點籌督酒令基挑燈檢書帙

史賭聯彌明句明窘閣侯喜筆史墨枯草書滯
韻險奇語出魯談玄石點頭促席月在膝同行
畫能作茲遊可無述史

次韻俞仲基寄顯天際有序

法出奸生古今之通患法出於上奸生於下
法者上之所以禁民為非者也天下之公道
也奸生者下之所以倚法而為非也一人之
私心也下不能達上不得聞法何由行奸何
由止予嘗欲建白于

朝有志而未能者也天際顯上人乃叢林之

師德戒行嚴謹不外教律卓錫于茲有年矣
或有倚法將脅之者師聞之度無以塞其欲
不與交一語竟出走衆遂咎脅者彼亦自悔
而止師出久不返故舊乃相與遍求之得師
所在復迎師歸吁奸之為患一至是乎向使
師不出走彼脅而不從必誣之官官不能察
雖佛出世亦不能不中其奸謀而陷於不義
矣其他有若是者又可勝言哉仲基作家有
詩寄顥師於予深有感於是亦次其韻以俟
觀民風者采焉

君子當避路狐狸正縱橫日月雖麗天不照覆
盆明顥師釋門老父斷世俗情黃金來布地白
馬先馱經書逼智永真詩得湯休清貪嗔了不
起怨尤何自生彼心或有競我意終無爭粹然
跏犬吠猿鶴還失驚此輩遠為貴何須問君平
曲直與是非鄉邦自有評及歸輿人喜罷茶就
師烹仰笑看中秋幾何虧復盈

紀夢

夢中挾飛仙與我有相齊手持綠玉杖脚踏青
雲梯揮指天門開天家難久稽培塿視三山九

州一丸泥蓬萊自清淺海水忽流西金鷄半夜
出又向扶桑啼

次韻俞東村雨中見寄

九月風雨交秋色已云暮砒泝驚波濤冥濛襟
烟霧排兵蟻方酣逐婦鳩轉怒鵬去承塵空馬
躡障泥污斂擎縮衆手飲啄飽群嗉鬼愁陰多
哭兒聞夜常怖涼生墨池魚潤逼管城兔憂懷
不可適高情尚能賦

昔人種樹

昔人種樹時樹小花未開今日花滿樹別人看

花來花開今幾度種樹人何處把酒對花傾問
花花不謗花開還又落酒盡須更酌只換看花
人年年花自春

季子延奴初學語見書帙在案時輒作嚅嚅
呢呢聲若解誦然以其不由教而能爾故喜
而賦詩且以示浩使知有所警云

小兒不識無與之攤書學誦能嚅呢他日賢否
未可必眼前便作聰明期人家愛兒如愛寶不
顧兒多顧兒好無兒所憂在未得生得痴兒被
兒惱我年日壯始得男至今空年十二三紙筆

不好懶無匹正類豚犬令人慙阿奴碌碌已如
彼滿謂與宗當在此君不聞杜陵達道笑淵明
有子賢愚何足齒

遊觀音山簡主僧大用并范彥華

兩山出雲氣衆山自開晴遊人看山來浮舟遠
山行舟行雖可意未慊登覽情捨舟入山去山
僧出相迎問予從何來謂予欲何往殷勤待遠
客茶香石泉清范卿文正孫解后詰姓名自言
在山住歡愛如平生追陪極邀眺高步凌雲輕
細路曲穿嶺旁出猿猱驚千里析穢毫所向雙

眼明靈岩見孤塔去鳥投天平風帆太湖口烟
火夫差城滄海東南流青天西北傾後壩方獻
奇前崿巧已呈何當廬澗阿聽此潺湲聲塵襟
正披豁落日催歸程悵然別二子私與烟霞盟

次韻俞仲基

孔聖在陳日行橐栲然空由也雖愠色君子當
固窮靈公問不荅一去難牢籠春秋明王道周
南存國風筆削示來世斯文代天工及門三千
徒盡若麻中蓬其功過堯舜萬古誰能同吾生
恨獨晚束脩諒難從私湫誦其書拳拳仰儀容

樗散軒為戴彥文

椅桐可琴瑟，榱楠可梁棟。斧斤日相尋，出類先
自送。問之胡為爾，不幸材有用。膏以明受煎，象
以齒喚痛。我生本樗散，何必人器重。規矩既弗
就，繩墨諒難中。雨露極滋長，土力暗培壅。擁腫
與拳曲，此意殆天縱。其下根株連，其上枝葉翁。
風過鳴笙竽，月明舞虬鳳。高丘暨櫟社，氣勢相
伯仲。棼槐作奴視，莊椿等兒弄。併移八千春，同
一南柯夢。掃帚醉留題，掀髯對樗諷。

與張夢辰陶九成姚廷玉陸幼章分韻

得山字

生平無他好，惟在山水間。無錢買山居，年年來
看山。九峯多雅趣，一一堪躋攀。良時遇良友，意
適幾忘還。飲酒莫辭醉，賦詩奚暇刪。偷閒迺吾
樂，待足何時閒。寒暑有往來，甲子互循環。世上
達人輩，營營苦貪慳。少壯忽以過，局促凋朱顏。
此語秘勿傳，徒取昧者訕。明年幸無事，再來扣
禪關。

得洛容兄適中報二十韻有序

自春首得茂名書，後聲跡邈然無聞。侍儀伯

棋錢公得備人語謂移倅贛州雖未敢必信
竊以為果能爾則勝在瘴海多矣近於適中
得報始知贛說為誣其實乃調柳之洛容也
柳雖不及贛然比之高涼亦有間但斃其所
携僕無親信在左右為可憾也作詩以寓其
嗟歎不足之意云

向來出門別誰作萬里看及聞茂名去不得送
征鞍高堂有白髮遽違潯水歡本心豈急仕

君命敢盤桓六月冒炎瘴所憂行路難妻孥每
話及我淚常不乾新年附書至到縣幸平安既
得消息佳在遠心亦寬侍儀重報喜道聽傳弗
端移贛固就近詭言竟空歡適音始真的果調
洛容官骨肉不在眼視僕猶肺肝更失此力助
無乃形影單雖云有民社土俗嫌凋殘險知退
食處對案時長歎吟腰帶圍縮短髮那勝冠幾
回欲飛往恨身無羽翰雲山隔長望萬疊青噴
屹征衣未遑寄又見秋風寒冀能自愛重努力
當加飡

煮鶴

山人偶劈琴寂寞九臯音借問纏腰想何如食

肉心青田真易寫赤壁夢難尋恐襲乘軒弊防
微意亦深

立春前一日見雪

殿臘殘年裏挽春一日前意如天弄巧勢似雪
爭權表瑞何嫌晚成功不貴先喜來呼熱酒莫
上剡溪船

移居新卜草堂

為愛林塘好移家向壤西半生烏遶樹一旦燕
銜泥花徑偏宜曲茅堂不厭低猶煩車馬客時
復問幽栖

與胡彥恭同宿釋耕所之西軒

同下西窓榻淒涼強說詩暮秋將盡夜風雨正
來時屢翦生花燭頻誇殺着茶侍兒先欲寐意
似恹眠遲

輓楊仲桓學正

開卷即潸然斯人不永年春秋邾子國風雨廣
文氈遺德令人愛清詩與世傳至今華表鶴夜
夜月中旋

東野草堂

隱迹向東野草堂幽趣多門垂繫船柳池放換

經鵝象局閒中戲禪床醉後歌不知名利客擾
擾欲如何

舟次采石

風雨黃昏後帆收采石來人家臨驛住野廟向
江開蠟面傾浮蟻燈花落細煤謫仙何處問夜
靜水聲哀

送翁應呂憲僉之羅浮

繡衣分按處父老候官船綠水青山郭紅螺白
酒天不憂蠻俗悍政要使君賢公暇堪游息蘇
隄尚宛然

思家

生別雙垂淚虛名五品官豈能忘頃刻不見寄
平安遠道三千里孤舟十八灘何時得歸去細
與說艱難

花朝徒步

花氣藹晴芬遊人暖欲醺白飛天際鳥紅起海
東雲酒旆遙相指漁歌斷更聞野塘春水黑科
斗自成文

過澱湖

舟前白鶴孤相引過平湖時景鶯花月烟村水

墨圖朦朧山似有浩蕩地如無天與東風便帆
開十幅蒲

寄明古鏡上人

山中多雅趣只有翠微庵綠樹半過屋白雲長
滿龕詩留逋客和禪對隱君談擬約胡高士來
尋玉版參

會陸宅之

世情方矯揉吾道欠亨嘉志似籠中鶴身如井
底蛙幾人蛇畫足每事槿開花留得春衣在都
將付酒家

輓全希言學士

今代瀛洲客先朝太學生桓榮稽古力疏廣乞
骸情丹旆書官爵黃麻載姓名無人堪繼述墓
碣待誰銘

艤舟千山下時久雨新霽泥淖不及登

山

此雨敗人興到山無分登若非猿鶴怪定是鬼
神憎泥污階千級雲埋塔半層振衣凌絕頂空
想舊遊曾

送高德初左遷瓊州學諭

領職瓊臺去心猶戀

紫宸不辭官獨冷但願物皆春卉服方沾化儒
冠信誤身雕題本非類何意與相親

送李孟起貢士

老朽歸田日賢良出仕時未斟辭別酒先寫送
行詩紅樹江邊驛黃花宅畔籬客程秋正好去
舸莫嫌遲

浦南待月

出浦無多路停舟且莫行不愁潮正逆少待月
微明隔岸層依火沿汀鷹報更掩篷雖假寐時

復夢魂驚

除夕立春

今歲將除夜明年預立春未能榮及物但覺老
催人漏滴時交子星移月建寅屠蘇來次第未
後亦沾唇

送吳友仁

此行何處去云是向京華別意猶堪畫離杯不
忍擎水通三泖接雲起九峯遮
聖代恩波闊歸期定有涯

中秋感懷二首

今夜中秋月清光滿太空乾坤同覆載故舊各
西東餘事皆身外浮生亦夢中惟憑一盃酒酌
此桂花風

昔聞天柱樂今慨庾樓空玉宇青冥上銀橋碧
漢東舞庭鸞遶側搗藥鬼居中桂子飄香處凭
闌立下風

鳳臺懷古

鳳去名猶在龍蟠勢莫過好春三月冢遺恨六
朝多寂寞金蓮步淒涼玉樹歌對花須痛飲感
慨欲如何

陪陸友章登佘山值雨

行樂非無分依違必有因江山能愛客風雨故
留人蓬底茶烟濕樽前竹葉醇米家船似屋到
處白鷗馴

壽陸宅之先生

海屋添籌日天河役鵲時偷桃嗔曼倩授棗謝
安期醉裏生涯好閒中歲月遲若邀湯餅客須
遣廣成知

次韻俞仲基對雨二首

田家信五行甲子只祈晴桂礎俄先潤天瓢忽

屢傾水聲寒汨汨雲氣白
英英縮手防擎歛農人
奈此情

竟日無聊賴愁來睡轉濃
故人離別後往事夢魂中
兒懶如工部妻賢異敬通
業耕天未許淫雨故妨農

寒食夙興聞有祭墻而野哭者
因懷梅雪父子澄心祖孫并
畊讀汝舟孟熙諸遷客况民
有飢色屋多逃亡感存念歿
悲不勝情

村落蕭條甚猶如喪亂民
誰家能樂業何處可容身
野哭添新鬼風流滅舊人
今年寒食淚不覺易沾巾

次韻陸宅之雪中見示

瑞象新年有纖埃到處無
山開銀洞府地湧玉浮屠
筆凍詩難寫樽空酒更沽
重茵莫嫌冷洗足有樵夫

立春

黃楊重厄閨白髮倒逢春
懶散無如我聰明不及人
土牛遭箠急彩燕上釵新
萬物皆興廢衰頽只此身

上難

灘聲何洶湧未到已先聞亂石狼牙出支流燕
尾分天寒虹復見山晚日初曛倦客無機事沙
鷗自一群

下灘

一灘盤築曲兩界會三义磊磊水中石斑斑岩
上花牛歸知熟路犬吠是誰家舟子相催促天
寒日易斜

南村雜興次韻陶九成十首

閒居心不競無辱也無榮澗水流來曲松風響
得清東林因社入南畝待時耕敕斷相關事尋

思劾子平

郊墟鳴吠接隣曲往來通好古襟期遠登高眼
界空鹿肥茸嫩碧鶴長頂深紅何以扶衰老君
臣藥有功

白雲和地掃明月就窓賒曩蓄三年艾庭栽四
季花旋炊魚信義新釀酒偏嘉穗代青鞋步有
輿勝鹿車

析晨按里社學圃問園丁高閣屠龍技重刊相
鶴經浩歌驚木客幽討泣山靈長為催詩債人
來夜扣高

霧歛山羅列雲來樹隱藏
芝田平似案花宅小
如航侍立皆清秀
交游盡老蒼
閒身百無事

天賜醉為鄉

盡稱家法好生計
孰云踈婦肯隨夫
唱兒能讀父書
為花春載酒
因月夜中車
惟恐聲名出
難容只隱居

愛居山水窟
因此託歸耕
不仕名逾重
非臞貌自清
神交來太一
夢識應長庚
有酒能留客
毋勞問治生

一曲清冷水
深如濯錦江
轉枝花底鳥
吠賣月

中厖魚採通
西泐茶烟起
北窓許多幽
隱趣不讓鹿門龐

五柳如今宅
雲間第一林
竹肥鞭筍玉
松老茯苓深
鵝放臨池浴
鶯聽出谷吟
朝冠非懶戴
髮自不勝簪

南村風景異
勝似輞川多
山露前峰塔
江明落照波
詩僧留偈別
學究抱琴過
石上殘碁局
旁觀已爛柯

九月三日

奉天門早朝得 賜寶鑑

香謁天門衛仗閒例隨鷓鴣入朝班侍儀引進
名初奏給事傳宣賞就頒宮扇受風開雉尾袞
衣耀日動

龍顏腐儒何幸遭

明聖得預觀光禁闕間

九月十四日

上親策試賜膳華蓋殿西廡下以

大行皇后喪設酒不葷

大明開運主文昌多士爭能翰墨場有分只嘗

光祿酒無緣得享大官羊殿庭重典歸儀禮樂

府新聲出教坊喜動

天顏蒙顧問朝衣熏染御爐香

十月十五日

奉天殿早朝

蓬萊日暎

柘袍黃宮扇低回翊

御牀樂譜總傳天上曲爐烟不是世間香

九重德意通蠻貊一統根基軼漢唐晚進小臣

親得覩愧無才力賦長楊

十月十有日早發龍江驛晚泊新河

上流望見采石山

船出龍灣去路賒故鄉回首眇天涯一雙柔櫓
西風逆三面空檣落日斜雲起淮山將作雨潮
登江岸欲吞沙明朝采石經行處閃閃寒空見
落鴉

春暉堂宴集

羨景良辰不易逢高堂歡宴且從容畫闌芍藥
籠燈照銀碗櫻桃和酪供公子清談霏唾玉佳
人低唱歛眉峰主賓樂有如漉酒起坐喧譁意
正濃

帳房坐眺次韻張思廉

壯士如貔力拔山將軍勇氣蓋人寰旌旗影裏
蚩尤動輦鼓聲中覘騎還印佩黃金龜作鈕劍
磨白雪獸銜鐐不妨談笑青油幕預遣精兵夜
守關

送石達卿赴淮南之辟

當代搜羅急俊英豈容徒老鹿門畊淮南幕府
多招隱水北山人最得名參朮正須歸狄籠鹽
梅甫用入商羹只應湖上秋風起猶為鱸魚惜
此行

宅之約余中秋過小海樓不克往

萬里長風掃積陰碧天如洗籟沉沉今宵何處
無明月比屋誰家有賞心詩句驚人從和寡酒
杯到手莫辭深南樓已負憑闌約老子胡林興
不禁

漁隱為賴善卿

釣船隨處可為生二十餘年不到城剩水殘山
元自在清風明月有誰爭玄真解后留詩別甫
里尋常載酒迎南往北來無定跡恐人情熟漸
知名

海屋為彝古鼎

海上高僧屋數椽珊瑚碧樹遶階前過橋雲磬
天台寺對岸風帆日本船龍女獻珠來供佛鮫
人分席與參禪百千劫數如彈指眼見桑田幾
變遷

由小孤山過彭澤縣訪晉處士故居

碧天新霽片雲無一望澄江似練鋪魚向小孤
山下買酒從彭澤縣前沽征帆催卸風微轉飛
鳥知還日欲晡五柳人家今在否憑誰為我問
樵夫

覽鏡自朝

官樣烏紗換角巾，已非巢許輩中人。
枉煩徽帶加殊禮，敢謂儒冠誤此身。
舊隱定招林鶴怨，前呵應被野鷗嗔。
寄書楊璞能詩婦，添得愁眉日幾��。

會慶堂

尹山高聳碧崔嵬，會慶堂中百福來。
五色靈芝皆瑞象，千年仙鶴豈凡胎。
客前嬉戲憐蕭瑟，兵後間關見老萊。
留與子孫誇盛事，品題多出翰林才。

雪後宿城南精舍

因尋竹院到江村，釋子初歸客在門。
殘雪又顛風作黨，寒潮已落岸留痕。
柳池滴水冰隨結，爐燼飄香火自溫。
借榻西窓學趺坐，一燈寐寐照黃昏。

舊時月色為呂希陽訓導

月到衡門有意無，相隨出塞又歸吳。
適來此夕是何夕，照見今吾即故吾。
屈指秋光重，負簪滿身花影弄，難扶陰晴圓缺，尋常事，消得幾壺。

悼洛容兄

射策期空冀北群却於百粵帶劉黃山遠高
天如盖地接融藤瘴似雲賈誼過秦空有論相
如喻蜀豈無文深埋萬里收歸骨淚洒東岡四
尺墳

次韻俞原舉致謝高都官惠錦熏籠

窮巷東風氣力微尚能虛拂到柴扉燕衝細雨
烏衣濕花落閒庭雪點稀恨別江淹難作賦色
骸跡廣未遑歸多情割贈熏籠錦鈿金雀香出
繡幃

次韻姚比玉雪中之作

風雪雖嚴莫掩關天開圖畫一時間閣闔均作
白銀闕培塿盡為群玉山上將功成淮蔡下故
人興盡剡溪還屯邊百萬皆驍勇佇聽王師奏
捷班

紀夢

麻姑相約看扶桑海水如今可斗量誰放金雞
天上叫自騎丹鳳日邊翔三花樹底逢蕭史五
色雲中拜玉皇下視寰區類蓬顆三山眇似一
毫芒

白雲歸岫送道士吳德常還洞霄宮

本是無心出翠微，英英還傍故山歸。
五交洞口從龍入，九鎖峯頭伴鶴飛。
只許丹霞分窟宅，或隨明月到岩扉。
世人何處尋踪跡，惟有松風振白衣。

草堂偶書

屈曲緣江出路賒，青山多被四隣遮。
豈無脩竹來鳴鳳，儘有垂楊宿暮鴉。
俗祀勾龍招近局，僧逢穀雨寄新茶。
往來盡是山王輦，不比尋常野老家。

留別華亭尹蔣季和二首

別時柳花沾客衣，相逢又驚黃葉飛。
惠州飯中子瞻喫，柴翁待淵明歸。
真金百煉色不改，大雅再調聲更希。
攀轅有人且少駐，九峯酒醞松鱸肥。

否泰窮通各有時，東西南北正多岐。
四愁適類張平子，三黜何慚柳士師。
細酌瓦盆初潑酒，重論石鼎舊聯詩。
如今且莫匆匆別，後會明年未可期。

味蓴軒

草堂詩前序

爾家江東老步兵秋風歸興託萼羹生前惟務
一盃酒身後不圖千載名華亭鶴唳已成恨松
江鱸魚方可烹至今世有賢孫子亦堪他本見
獨明

尹節婦

二十婦道無欠虧兒未三月身孤發共姜有誓
天與圯令女此心山不移能扶綱常勸風俗可
使旌表光明楣後來史筆重節義佳傳必資徵
是詩

賀張季自臨濠還鄉

十年淮甸歎離居喜得歸來有弊廬衣裂去時
慈母線囊留別後故人書四隣訪舊多為鬼三
徑開荒半是墟且把釣竿重整理江南還有四
顯鱸

寄成安尹彭子潤

江湖渺渺白漚寒只有黃花獨耐看老去龐公
惟欲隱歸來陶令已辭官詩名肯落他人後酒
量何如昔日寬自是山陰無好興扁舟來往不
為難

次韻姚比玉贈薛相士秋簪

秋蟾躍出明月腹光焰照人雙眼開何事不歸
天上去有時還傍海邊來靈探理窟鬼神泣影
落寒潭魚鼈猜且待烹茶澆汝口爐中笑指折
鐺煨

東村隱居為長州趙伯善

都說長州多絕景東村只數隱君家開窓正與
青山對遠屋偏宜綠樹遮梯傍西巖收筭蔽船
來南御買魚蝦日長門外無人過時仗清風掃
落花

蘇臺夜泊

扁舟暮抵闔閭城愁聽傍人話戰爭龍井水光
相蕩瀟虎丘山色自陰晴野花原是吳宮草甲
馬曾來越國兵西子不歸臺亦廢空留江月照
人明

遊虎丘山

參差樓閣半山開迤邐登高入寺來寶藏虎歸
風撼樹劒池龍去水生苔塵封坡老題詩壁雲
鎖生公說法臺旦過不須窮古跡上方猶鶴易
驚猜

九江道中二首

吳頭之西楚尾東路今川廣此俱通水來彭蠡
滔滔白樹對潯陽的的紅司馬淚多衫易濕翰
林才逸句何雄風帆且莫匆匆過瀑布香爐在
望中

湖口路分如曲叉山連吳楚水通巴樓船蔽江
十雙櫓野店傍橋三四家負炭急呼招渡客懸
罾逆上湫流槎南方地暖春偏早開遍寒梅一
樹花

惶恐灘夜泊

天下只聞巫峽險誰知此處更堪愁
舟穿亂石堆中過帆向荒山脚下收
閃閃燐燈隨颼颼嗽嗽蓬顆聚
鷓鴣灘名惶恐非虛得一夜令人白
盡頭

峽口人家

簇簇人家竹掩西懸崖置屋競高低
石梁橫布岩前路澗水斜通峽外溪
隱隱白雲藏吠犬茸茸碧草卧馴麇
舟中過客方多險得借晴窓一榻
榻栖

贛州道中

親到金門奉紫泥一麾遙領大江西
路從惶恐

灘頭過詩向鬱孤臺上題風撼紫藤廳鼠立雨
深斑竹鷓鴣啼九峯回首家何在杳杳青天覆
地低

予與翁應呂同至贛州府是日各役本道予
往雩都翁赴惠州作詩送之時十一月十有
七日也

客鄉送客不勝愁君尚驅馳我暫休好趁梅花
登庾嶺直騎官馬到羅浮盤游骨董還中喫橄
欖檳榔莫外求荒服近聞炎瘴息公餘飽飯亦
何憂

雩峽道中

客况無聊只自悲淒涼怕近夕陽時收帘野店
關門早荷擔樵夫下嶺遲雩峽水渾沙鳥浴蘆
花烟起釣船炊驅馳已覺勞形甚愁說前灘路
更危

世情

世情擾擾亦奚為百年幾枰翻覆棊東隣舊業
已易主西家新第甫尋基也知石有能言日莫
信馬無生角時青天在上管何事造物戲人當
咎誰

龔張夢辰見寄

林泉張徵君自以其年六十靡有寧止嗟歎
不足形諸詠歌以示知己蓋深有望于仲齋
梅雪諸君子且有屬予從史之語予因撫卷
喟曰昔戴逵在剡郝嘉賓為之起宅杜甫在
成都裴劔南為卜浣花溪作草堂居焉又如
周公瑾推道南宅以舍孫策于允元以百萬
資戴符買山古人之待友也其勤厚類如此
豈今之人不復逮古耶雖然至使林泉有是
作者亦諸君之恥也予非敢重責人冀諸
君子將激余挑必不讓嘉賓輩專羨往昔庶
吾林泉之謀何患其無成乎讀書有莊可待
也姑次韻奉龔不免添注脚如此云

止似杜陵心更忙無錢自買百花莊氣消塵匣
斗牛劔夢短客簷風雨林湖海知名交豈少林
泉得所趣偏長明年果遂歸田計釣月耕雲樂
未央

雪中寄朱梅雪

紛紛三日不肯積頃刻聚來平路岐寒窓夜誤
難乘曙凍樹畫集烏號飢南隣酒伴可走覓東

家寒驢難借騎不如閉門自引滿此際豈是干
人時

開司日偶書

幣聘真慚德不任新除均荷

聖恩深雖無汲黯開倉力惟有思謙報國心每
事謹持三尺法何人敢餌四知金平生自信如
猿直激濁揚清正在今

開司十日無一人來訟者庭可羅雀書
以自誚

十日官衙無訟聽南山相對坐如癡却嫌事類

不鳴鴈寧免人譏沒字碑未許公孫能吏事且
容何遜得吟詩晚來偶縱牆東步賴有梅花慰
所思

立春日有感

今日逢春諷自傷容懷孤負好風光少年無復
有吾分到處不如歸故鄉草色上階隨意綠鶯
兒出谷轉身黃官厨硬餅殊難捲空愛辛盤菜
縷長

壬戌歲除

坐聽街頭爆竹頻故鄉風俗異鄉人一年今夜

情偏惡萬事明朝跡已陳
竈巷掃除循祀典
州司奔走送門神
莫嫌夜雨添蕭瑟也為炎荒洗瘴塵

次韻賴善卿禁體雪詩

撲瓦篩林響亂兼
奔風作黨暮寒添
見輕舞手承窓隙
驚窸回頭仰屋簷
剡曲夜歸人跡斷
藍關凍合馬蹄淹
平生口腹無貪得
此水烹茶獨不廉

錢節婦

此身本是未亡人
恐辱亡人敢辱身
擬與共姜

同死誓願從孟氏
接芳隣連城白壁元無玷
出壺清冰不受塵
及見寧馨頭角露
分明天錫兩麒麟

壺月軒為李守道

素壁穹窿類雪窩
窓虛簾薄受明多
風關雲母忽窺破
塵隔水晶初鏡磨
只道洞天無晝夜
安知大地有山河
此中皎潔長如許
四面皆牆柰爾何

懷靜軒并序

懷靜軒者居延馬季子之所築于泚之兵會

聖者也季子之先出自雍古部族居靜州天
山五世祖習禮吉思仕金死節謚忠愍血食
汴之褒忠廟四世祖月忽那遭元憲皇以白
衣官斷事歷事世皇拜禮部尚書謚忠懿曾
祖世昌尚書省郎中祖禮宣政都事季子隨
都事公居于淞淞去靜計萬餘里而以懷靜
名其軒不忘本始也

家世天山烜德輝兩朝閱閱古今稀褒忠節義
垂青史禮部勲名起白衣雪洒穹廬駝正乳月
明華表鶴應歸相望萬里風塵隔空羨年年鴈

北飛

先君處士哀詩有引

先君臨易簣之日是旦夢至一所宮闕差我
冠佩雲集適有二人出而迎者因問是何處
曰此閻閻門也遂恍忽而寤悉譬家人至林
下歷歷道其故及晡乃屬續歲月云邁三載
于茲追念如存哀感無已

呼兒沐重語丁寧猶記當時歷歷聽天上已回
閻闔夢太閻不見少微星家藏季澤遺書在
地發神光瘞劒靈述作為無韓柳革三年未勒墓

中銘

癸亥歲旦賀正禮畢雨窓獨坐有懷草
堂

官屬臨門曙鼓鳴起來望

闕賀新正禮當序爵居班首老邁增年動旅情
天上已頒新鳳曆雲間却負舊鷗盟草堂今雨
交情見閑訊何人獨意誠

會昌道中

梭頭船子鞞鞋輕逆水上灘三日程岸回時見
虎狼跡村遠不聞雞犬聲人事往來何日定世
途登頓幾時平老懷莫為投荒怯喜有青山繞
縣城

重登小孤山

小孤祠廟向江開使節經由兩度來路出山腰
盤曲磴亭栖樹杪見粧臺銀河水逆龍舟歌碧
落風生鶴馭回我亦飄飄欲輕舉此身何異到
蓬萊

番湖舟中

不才自分老林泉今日驅馳孰使然行李往來
惟一介勞生半百次三年康廬雲霧曉春迷共在

蠡風波遠際天夜泊最嫌楓樹近遠船漁火照
愁眠

胡島花草堂

別駕山居草作堂勝如工部百花莊鶴雛轉頂
丹砂渥松木凝脂琥珀香月下敲門僧問字霞
中掃迹容携漿林泉足可容真隱只恐聲名自
播揚

除夕

兩在他鄉見歲除今年守歲在吾廬小兒歡喜
頻行酒猶子平安遠寄書陶令無心希厚祿安
仁有志賦閒居勞生半百雖虛度三徑猶存不
負予

竹所為太常典簿顧謹中

路遠闌干屈曲行綠陰遮暗石碁枰酒杯漱艷
花前興忒曰丁東月下聲拄杖敲門無俗輩題
詩偏檻有僧名籃輿迺造知何日直待明年燕
筍生

畊讀莊為俞原魯

鸛頸灣頭一草堂遶墻桃李遶隄桑寬如五柳
陶家宅僻似百花工部莊雨洗春犁閑倚薜風

吹故紙亂堆牀龐公雖道為農好也欲教兒識
數行

雙桂堂為俞伯剛

堂前雙桂如玉樹衆木搖落正芬芳淮南偃蹇
有何異月裏娑婆無此香連理合時兄弟好帶
花移後子孫長歲收金粟三千斛天富燕山竇
義方

次韻奮俞仲基二首

人生契合無新舊市道論交有淺深莫效卞和
三獻玉當辭王密四知金廉頗不負相如意鮑
林真知管仲心獨為武侯長抱恨空遺梁父舊
時吟

鶯花時節近清明如此風光眼為驚但有酒錢
湏盡醉本無丹藥可長生免蔡不管興亡恨燕
子徒知徃復情萬事只今春夢裏杞人何必慮
天傾

西郊晚晴

老眼分明夕照前依依墟里見人烟東家荀作
西家竹南岸人耕北岸田野店杏花沽酒市石
橋楊柳賣魚船太平已似開元日雨順風調喜

有年

送費彥莊還西蜀

滿載圖書問去程
更休回首歎飄零
雪消巴水通巫峽
月照湘帆過洞庭
鳥道不消三月到
猿聲莫向五更聽
異鄉久住忘羈旅
好看巖山雨後青

晚過泖東

摩挲醉眼倚吟蓬
百里纖毫在望中
佛塔穹窿雲表杪
人家星散泖西東
沾衣不濕踈踈雨
吹面輕寒剪剪風
船後青山如却走
白鷗飛盡水連空

贈張孟經

長沙太守子孫賢
湖海知名四十年
厠卧杏林監受穀
龍窺丹鼎候燒鉛
胸中議論驅群惑
肘後方書得祕傳
我有一生詩酒癖
如何到老不能痊

有感

晨雞唱罷暮鐘鳴
擾擾匆匆後世情
白石安知無日爛
黃河還見有時清
浮生得失樗蒲局
往事悲歡傀儡棚
讓畔終身何損益
從來此地幾

人耕

耕樂園為璜溪楊正茂

樹蔭柴門犬不驚，小窓機杼隔林鳴。
桔槔未濕逢春雨，襍禎初乾憩晚晴。
三泖鮮魚如菜食，九峯新酒對花傾。
自緣無事干州府，莫笑龐公懶入城。

次韻俞俞原舉五首

滿頭華髮怕逢春，山鬼揶揄正笑人。
祖道不沾零峽水，征袍空染貫城塵。
已無勳業銘彝鼎，豈有聲名動搢紳。
但得五湖風月在，釣船還與白

鷗親

三載崎嶇蜀道行，虛名已覺負平生。
季鷹從此有歸興，思曠自來無宦情。
恐作漁樵閑話說，敢忘車笠舊交盟。
鶴灘喜與鴛湖近，夜夜相望共月明。

秀州東郭殘年裏，曾得春風送客舟。
別去幾何情契闊，詩來如此意綢繆。
光陰日薄皆虛度，故舊星稀半不留。
江上酒船重有約，殘山剩水尚堪遊。

自蒙人日題詩後，夜夜光輝照草堂。
玉石琢磨

方是器芝蘭熏染不聞香虛名只作尋常事
氣何分上下牀但恐九霄孤鷲起老夫拭目仰
難望

對月有懷多好句勝如春草夢西堂予人然諾
千金重到手緘書一尺長鶴弔機雲迷故宅燕
尋王謝失雕梁都緣十載興亡恨詩後殷勤併
寄將

春分日見雪

臘前為瑞竟無多却向春深瀆至和病後不禁
寒料峭老來偏惡氣乖訛山陰笑端作故事江
上畫意在漁簑東君摸稜有如此鶯花寥落奈
爾何

次韻奮張林泉

白髮無情已不饒固宜甘分老衡茅德公退隱
非要譽元亮歸來便息交花下酒壺還獨酌竹
間茶臼問誰敲自知性似邊韶懶寄語持贖美
見朝

重陽有感

衡門稚子笑牽衣新酒初香豆荚肥佳節重陽
還復至故人何處不曾歸黃花有約開編臬白

髮無情落漸稀未必晚年陶處士覺今俱是昨
俱非

次韻東村舟中夜雨

醉夢初回四鼓前打蓬急雨亂如拳半牀雲錦
沾俱濕一點風燈照不眠陶令意輕彭澤縣龐
公志在鹿門田明朝行樂誰能必未定陰晴亦
偶然

中秋翫月次韻胡昂文別駕

碧天飛上爛銀盤此夜清光到處看雲絮逐風
還片片露珠垂葉正溥溥尊前香噴黃金鴨空
外笙來白玉鸞欲詣姮娥一問訊只疑高處不
勝寒

蘆花舟為李孟起

蘆花深處屋如舟彷彿漁家鷓鴣洲沙暖可容
鷗寄宿月明還有鶴來投掀篷浪影翻晴雪遠
聲風聲聒暮秋茶竈筆牀都放得醉堪伸脚更
何求

與俞原肅并序

九載一相逢百年能幾何此林少陵別唐十
五詩也余與原肅公別六十年甫得一見則

百年之內如此者復能幾何况公去國懷鄉
久矣今乃尋丘隴於荆棘視第宅之丘墟撫
今念昔悲不勝情故舊之存者不過數人相
對歡欣恍如夢寐雖飲酒不樂也予謂廢興
存亡人事之常感慨何益作詩解之

相別相逢二十年
弔生閔死各悽然
交游零落無多在鄉里
蕭條不及前
荒隴夜聞翁仲泣
廢臺今見牧兒眠
何須對此空惆悵
見在深盃且共傳

琴清軒為豫章胡若思

軒靜琴清風撼櫺香烟初直酒初醒
丁寧鶴語未華表彷彿龍吟隔洞庭
織女停梭天上泣湘靈掩瑟月中聽
改絃別作梅花弄碧落雲消白露零

謝李孟起同知惠扇

南浦朝雲月樣裁
欵然飛墜五茸來
冰絲細薄難為骨
蟬翼輕盈易脫胎
重價倍增凡俗妬
仁風一播鬱蒸開
欲酬遠意將何物
草草題詩愧不才

夢述聖德詩

祖述唐虞道統長斯文未喪畏何匡孺悲欲見
嘗辭疾陽貨先施亦瞰亡夷侯不容原壤踞楚
歌無柰接輿狂春秋書法多深意垂訓將來示
百王

次韻林泉病起

算老侵尋七十春又梳白髮裹烏巾入編詩藁
刑初定經驗醫方纂必親汗漫江湖雙救屐逍
遙天地一閒身平生熟究春秋學絕筆如何止
獲麟

滄江送別為吳友仁

行李無多酒一壺滿船和恨載妻孥忍將今日
留連意盡作滄江送別圖筆陣易空三窟免釣
頭難得四腮鱸生涯定分當何處早寄平安慰
老夫

林泉民為張夢辰二首

背山臨水郭東村竹裏茅茨柳下門種樹得書
添自註煎茶知法許僧論襄陽何代無耆舊橫
浦斯文有子孫冠蓋故家多覆墜獨因為庶至
今存

身披鶴氅手扶藜布襪青鞋白接羅魏野隱居

堪入 龜蒙到處可題詩
花前問月停杯夜柳
下垂 風罷釣時屈指
故人凋謝盡山妻莫
笑鬢如絲

望淮軒為錢文規

望淮軒上客來頻
多有江南故舊人
雲起八公簾半捲
風傳百和酒初巡
吳艘順下帆如葉
海鶴橫飛翅若輪
日日倚闌圖畫裏
不知身是異鄉民

題楊竹西不礙雲山樓

斯樓不與雲山礙
十二闌干在半天
雲自往來飛鳥上
山尤隔越去帆前
歌兒莫放高聲起
畫史惟將遠意傳
日日登臨留客醉
四時風月浩無邊

書厚林寺壁

事在梁陳史可稽
讀書堆上草萋萋
多年不作青衣夢
幾夜空聞白馬嘶
水底斷碑猶有記
壁間醉墨可無題
老僧又送遊人別
日落西林鴉亂啼

閨思

淡掃蛾眉羞自照
巧梳蟬鬢向誰誇
酒因不飲

愁難遣事為無憑恨轉加
禱錦坐當交頸鳥扇
羅繡及並頭花欲題新句
無紅葉寫遍窓間舊
碧紗

正心齋為許仁民

長鬚曾識許神農復見賢孫繼祖風
方寸有餘陰德地平生多少活人功
源流不出三因外天理常存一念中
好侍板輿承母意滿林春色杏花紅

來鷗亭為姚宗文

泛渚眠沙各自如忘機相對稱幽居
意如親筆惠崇畫跡似古文蒼頡書
春雨蘭若迎翡翠夕陽葭莩伴春鋤
闌干角畔題詩處眼界無多景有餘

秋興四首

景物淒涼萬感叢怕逢搖落見秋風
雞鳴函谷行人度騅到烏江霸業終
歲月往來寒暑競乾坤覆載古今同
誰能斷得無情水莫放東流更向東

海上蓬萊識未真樓船一去竟迷津
仙家自有長生藥塵世元無不死人
西苑年年花落盡北

邱日日塚添新春衫可典何須靳莫負淵明漑
酒中

休聽尊前懊惱歌聽時愁緒越添多平生事業
今如此後去光陰更幾何三過玄都惟夢得重
遊赤壁是東坡老懷容易悲陳迹不信觀碁有
爛柯

仰望青天漠漠高人生處世一鴻毛胡笳有拍
空遺恨漢節無旄不易操方朔寓言興設難屈
原忠憤在離騷讀書多費閒傷感阻向西家喚
濁醪

金陵懷古

六朝事跡今何在禾黍離離滿地愁商女隔江
猶唱曲遠人懷土莫登樓潮隨鴈落回京口山
作龍蟠護石頭記近酒家曾夜泊秦淮寒月照
孤舟

壬申除夕

弔影燈前淚滿腮聽兒憶母哭聲哀宜春帖子
何心寫守歲家筵不忍開老景此時無可奈新
年明日又還來梅花笑我頭斑白消得屠蘇更
幾回

癸酉歲旦

獻歲先來問有誰
卧聽風雨起偏遲
去年舉案人猶在
今日沾衣我獨悲
禹錫魂消傷往賦
安仁情見悼亡詩
半生落魄如閒過
頭白艱難值此時

次韻沐泉留宿聽鐘有感

客簷卧聽禁城鐘
蠻帳低垂舊紫茸
窓眼月斜天未曉
瓦溝霜白景初冬
千年華表無歸鶴
十月寒潭有蟄龍
擁被自捫丁固腹
老來無復夢生松

耕隱為黃彥正三首
令清夫令祖

誅茅結屋向東籬
為圃為農亦有師
每引漁樵聽客話
須將稼穡教兒知
秋風稻熟雞先啄
春雨芝香鶴不飢
龐老從歸鹿門後
諸人罕見入城時

知時布穀隔林呼
雨後春犁學自扶
豈可枉尋千祿仕
何妨識字作農夫
畬田火米常先熟
老瓦新芻不用沽
竊比古人誰得似
長沮桀溺是吾徒

背城茅屋水雲深
絕跡無人向此尋
壤父不知

堯帝力君房安識子陵心扶犁曉趁黃梅雨噴
籃涼依綠樹陰但使年年多黍稌何憂白髮老
相侵

次韻陳敬德主簿題明心寺壁

秋風過客幾華顛只記曾留短簿船清話可延
僧有供平生未到我無緣窓間貝葉猶偷看石
上松花鶴襯眠王播他年訪遺跡碧紗應護舊
題篇

俞東村示教雨窓感興佳作連篇累牘寓意
深遠辭如雍門之琴能使聽者墮淚諷詠之

餘勉強追和不翅鳴瓦釜而配黃鍾也

白髮無情不我饒東風楊柳自新條蓬萊弱水
舟難到閭闔青雲路本遙晚景生涯何轉拙早
年豪氣已俱消閉門只是聽春雨連及鶯花也
寂寥

老懷多感不能禁當得春來日日陰酒為破除
聊縱飲詩因牽帥強搜尋屋茅直透三重濕溪
水平添數尺深白髮懶梳巾懶戴尋花問柳更
何心

造物難知一聽天貧居無事只安然能如東老

依方釀勝似中濡汲水煎燕去燕來何必管花
開花落不須憐百年身世渾忘却懶散徒教雪
滿顛

次韻荅張拱辰判簿兼柬陸宗善

馬家兄弟白眉良濟濟諸郎更肯堂承露金莖
為器重臨風玉樹過人長春秋舊學傳三世月
旦新評冠一鄉况有詩隣今魯望並如鳴鳳出
朝陽

題葉子澄草堂卷

背郭烟村四五家吾廬幽僻更無加
朔風玄鳥時穿幙避雨黃蜂早退衙
筍過隣家還作竹豆沿籬落自開花
安仁已著閒居賦韋曲樊川未足誇

次韻畲胡彥恭二首

咄咄書空坐夜闌燭盤花落酒杯寒不愁
妾命秋雲薄只恐人心蜀道難阮籍當年猶慟哭
王陽今日正長歎頭顱如許身何託掩鏡羞將白
髮看

移家五見歲華闌海上漚盟漸覺寒
扼肉虎吭求食易刮毛龜背作氈
難樽猶有物吾何憾甌

未生塵婦莫歎半日光陰駒過隙試將日晷靜
中看

次韻俞季明

萬里題詩寄草堂此情珍重可能忘鴈歸塞北
書難託人到雲南戍正忙臨老光陰催我輩封
侯事業在戎行流離尚出清新語不改平生錦
繡腸

送蘇温赴高州

天寒野曠叫鷓鴣愁說高州去路遙章貢北來
山抵淞者禺南下水通韶風搖檝攬棹頭落雨
打桡樹樹葉凋他日歸來再相見九峯買酒話
今宵

自述并柬王允夫少尹

自脫江州舊浹衫年登半百又逾三星移斗柄
還將北鴈到衡陽更不南花暖蜜蜂衙未散樹
陰羶蟻戰方酣釣船且避風波險長恐蛟龍怒
出潭

寄顧典簿謹中

暮雲離思隔江東渭北春天樹似蓬大藥那能
消鬢雪好詩還可愈頭風星移物換人何在古

往今來事不同又是誰家樓上笛
夜深吹向丹明中

次韻俞仲基送原肅

白頭相遇酒盈卮
弟勸兄酬兩莫辭
難得鴈行無斷日
稀逢馬角有生時
且聽今夕燈前話
何待明朝別後思
本是一般珠玉樹
花開南北不同枝

昌德言小海樓上即席次韻舍陸宅之

先生并示晏如上人五首

八月溪盤饌四腮
如何不飲掌中杯
人生莫為

虛名誤塵世
難逢笑口開
滄海飢鮫無日飽
岐山鳴鳳幾時來
清風拔俗高千古
只有桐江舊釣臺

莫笑蒼顏皺
入腮相逢有酒且銜杯
縱身狂活凌霄附
過眼繁華日及開
白玉韞藏非不售
黃金散盡却還來
十年多少興亡恨
又見姑蘇鹿

上臺

買魚江上柳穿腮
過酒墻頭菊泛杯
鏡裏莫羞雙鬢改
尊前須放兩眉開
鹿門龐老辭徵聘
彭澤淵明賦去來
萬事失真均是妄
猶如蜃氣結

樓臺

清茶啜罷味留腮勝酌金莖露一杯茅屋秋高
重待覆柴門日晏始教開青山與世無新故白
鳥親人自往來不忍見渠歌舞地樵夫牧豎日
登臺

鬢髮兩鬢雪垂腮消得長生藥半杯枸杞或聞
岩下吠蓮花曾見火中開函關望氣青牛度天
竺馱經白馬來道眼同歸無物地也知明鏡本
非臺

閒處光陰軒為章文浩二首

窈窕軒窓面北開百花都是舊時栽青天有影
池中見白日無光樹底來酒令逡巡香未過棋
聲剝啄夢初回闌干朝暮惟多景不着凡間一
點埃

宜捲湘簾且莫垂要看清景半涵池雲過影落
萍開處風起聲來竹動時對客不辭分險韻留
僧必欲了殘碁日長猶恨無消遣彷彿仙家歲
月遲

城南早行

朝出城南宰相街隄城雞鳴何處尚啼啼鐘

步武人爭笑懶坦心情衆寡諧暮景惟添新白
髮好山空負舊青鞋即填溝壑吾何憾多少英雄骨未埋

奉簡陸宅之先生并晏如上人二首

人生交結貴相知白首何嫌契合遲惠遠肯沽
陶令酒杜陵能賦己公詩山中湯餅無虛日溪
上鱸魚正及時更為少留差可意杖藜來往得
追隨

司馬才名走卒知樵夫下拜獨何遲暮年樂易
惟談道終日間忙只課詩尚父海濱歸有在管
寧遼左去多時何如得似昌黎語變化雲龍上
下隨

懷高都官

鳳鳥不鳴吾道微擬避名姓老岩扉襄陽耆舊
無多在洛下衣冠已漸稀久望東山安石起未
聞遼海管寧歸馬融何必為南郡只合高堂坐
絳幃

可自怡軒

終日開軒得自怡白雲堪翫不堪持近疑有路
梯天處聞愛無心出岫時風引度牆陰覆屋雨

來沾席意催詩紅塵車馬方馳逐我亦潭忘柱
頰疲

詔賜民租喜而有作因次韻林泉

綸音來自九重天率土如逢擊壤年國用既饒
宜有賚民生從此樂無邊元豐歌詠非常比貞
觀昇平豈偶然何幸歲收多十斛已拚盡付酒
家錢

遊天池

目隨飛鳥手緣藤高出浮圖第一層漫滅欲無
碑後字長明猶有佛前燈雲歸石室龕俱滿澗
落天池水不增我是乍來方外客倒衣相接愧
諸僧

何必

恃才何必傲當時謀謀空言用莫施磁石引鍼
偏勝玉干將補履不如錐商君變法終危已趙
括談兵竟覆師獨有華山濃睡漢未來興廢亦
先知

次韻張景辰別駕過俞達寧故居有感

平泉漫說李家莊綠野猶傳裴相堂草色暗隨
春色換人情還逐世情忙空吟暮雨朱簷捲不

見春風皂蓋揚過客重經倍惆悵隱然籟笛感
山陽

水竹清深為呂德機

舍北舍南皆活水萬竿脩竹四圍栽青天送月
饒先得蒼雪沾泥掃不開魚戲早涼隨影逝鶴
鳴何處應聲來小窓風定茶烟歇可着纖塵浣
綠苔

次韻景辰出東郊之作

今日暴寒天始晴買舟乘興出東城逢場作戲
何妨事對酒當歌且盡情喬木故家誰得在殘
山剩水獨經行季鷹自有鱸魚分不負閩鄉好
政聲

自述借俞原舉韻

書屋半間寬不多小於安樂邨家窩寫經有客
籠鵝去問字無人載酒過自喜身閒如野鶴誰
能心苦似么荷短吟長詠忘朝夕何異堯時擊
壤歌

次韻胡彥恭送原舉回嘉禾

未嘗席暖陳蕃榻又復拏舟問去程今夜待潮
春水口明朝看月秀州城得憐稚子牽衣袂占

喜家人驗鵲聲試問新年有新作憑誰寄我慰
離情

天妃宮次韻王元吉

何年

勅賜天妃號官闕峒堯入紫冥龍女來朝多顯
異蛟人作市暗聞腥黃姑渚闔天通海丹鳳樓
高畫墮星近得瑤池玉母約蓬萊有路到珠庭
綠陰門巷為何公平

薰風時候百花零綠樹陰中舊戶庭幾度胡林
移不倦數聲茶臼睡初醒右軍醉寫籠鵝帖道
士親傳相鸛經莫向西家頻喚酒墻頭最惜薛
蘿青

次韻龔沙允恭兼致尋訪不遇之意

白石清泉映綠蕪竹居蕭洒一塵無客來誰與
開籠鶴人好吾方愛屋烏隱跡未曾離畎畝詩
名早已遍江湖將門書種當奇遇志在行揚慕
獨孤

晚到豫章聞臨江分司船已先過乃胡

彥恭也

豫章城下水連空豫章城頭落日紅彭蠡漁歌

宋隱隱臨江使鷁去匆匆珠簾不見滕王閣鐵
柱猶存許令宮南浦西山只如此古今懷抱幾
人同

述懷寄張拱辰判簿二首

行藏不必問如何半日光陰撚指過心在五湖
忘世久眼空四海閱人多把來長劔猶能舞改
罷新詩復自哦恨入江淹留別處幾回春水綠
生波

落魄情懷自在身得為田野白頭人沽來濁酒
還能醉典盡春衣只為貧爭席漁鱉渾不識忘
機鷗鷺却相親老天有意留殘喘敢歎栖栖寤
寞濱

胡彥章孝行詩

長孫年老齒俱無新婦晨昏事舅姑考叔君前
猶舍肉老萊親側故將雛家庭只種忘憂草林
木都栖反哺鳥莫恨無錢奉甘旨何妨苽水盡
歡娛

宿紫陽觀次韻故人辛好禮題壁三首

偶然來此問丹砂坐聽松風到日斜滿地白羊
都化石一聲黃鸝又還家鐵爐火暖煨山藥石

鼎茶香試井花壁上舊題皆過客多留姓字後人嗟

雛養胎禽頂轉砂老梅踈影只橫斜儼如蓬島神仙窟勝似玄都道士家犬入丹房偷舐藥鹿遊芝迳誤銜花世間何事纍纍塚華表人歸重歎嗟

煉藥功深九轉砂丹光一道白虹斜淮南雞犬未拔宅徐布童船當到家秦華有蓮皆十丈蓬萊無樹不三花方平親見麻姑說東海揚塵事可嗟

嵌峯小隱為憲俞金華滕良載

繡衣拂袖歸山去光動嵌峯舊隱居鸚鵡不宜秦相印牙籤重整鄴侯書開窓見月呼尊酒入圃看花待板輿猿鶴欣然松菊笑至今狂簡只如初

友蘭軒為寧國焦悅民

庭前不種閒花草九畹遺芳獨向榮既與善人同臭味正宜君子託交情謝家玉樹推前輩栗里黃花愧後生若把三香比三益梅花終讓國香清

與韋僉憲同登快閣

武昌城下暫維舟，快閣同登亦勝遊。
水碧沙明風不起，山青雲白雨初收。
歸來華表能言鶴，飛傍闌干欲下鷗。
石刻塵昏細摩認，蘇黃詞翰至今留。

次韻陳協和判簿贈祝洞天真人二首

騎鶴上天還下天，不食烟火自長年。
屋頭雲氣白於澗，洞口桃花紅欲然。
坐壇呼吸走雷電，放筆揮洒生雲烟。
穀城後會定何在，他年有約南山邊。

淮南拔宅上青天，自昔經今有幾年。
群真復迎絳鶴下，百怪却避溫犀然。
冰甌紅進嶮山雪，香爐紫騰沉水烟。
蓬萊夜半見日出，樽桑只在東南邊。

早歸

瞳矐旭日散林霏，樹下開門露滴衣。
何處飛來黃蛺蝶，繞籬開遍白薔薇。
爛斑蘚石侵棋路，伊軋茅簷響布機。
稚子山妻悲復喜，淵明今得棄官歸。

送臨濠花仲敷歸覲

蒲葉青青蘆葉長渡江遊子駕樓航不期去路
成歸路却認他鄉作故鄉水漲淮河魚正賤花
開野店酒初香倚門望久清明近急急還家到
侍傍

山居

烟蘿窈窕蔭柴扉路入蒼苔一徑微江燕定巢
來自熟岩花結子落還稀脩琴有制先抄譜沽
酒無錢更典衣採藥山童終日去夜深常與鶴
同歸

次韻沙允恭感懷二首

莫向春風憶舊遊老年懷抱不禁愁自來自去
堂前燕相逐相呼樹底鳩行樂有孤靈運屐笑
談無復庾公樓武昌門外多官柳能有幾株今
尚留

前溪一夜漲痕高添得磯頭學坐茅官職已辭
如靖節禪心不競似參寥隔簾花影翻紅雨遶
屋松聲捲翠濤酒侶詩儔來往熟不妨迂步向
西郊

對月有懷陳景容

見月停杯欲問天劃然長嘯鶴驚眠自從盤古

初開關看到如今幾缺圓往事夢中空已過虛
名身後不須傳遠遊寧似歸來好日日瞿塘有
覆船

荅張通山見寄二首

莫恨無錢對菊花錦城不及早還家張翰豈為
鱸魚膾馬援何慚沒蒼車日日行人登劔閣年
年芳草遍天涯縱然三徑荒蕪盡尚有垂楊宿
暮鴉

大江東注入婁淞望斷天涯是五葦萬里風塵
雙鬢雪百年昏曉幾聲鐘可知伯樂難為馬莫
信諸梁果好龍草木經秋盡搖落後凋惟有歲
寒松

李守道芍藥有一莖而雙葩者是日方納婿
感以為瑞錢國錄有詩王梧溪為之序一日
持卷來求子題因賦此

庭草何由致此祥雲英今日嫁裴航風流總是
神仙骨時世都隨富貴粧百子帳開脂粉氣同
心帶綰鬱金香尔家翁婿如冰玉慶拜花前舉
壽觴

送張通山赴楊氏西席

通山父老思仇覽絳帳諸生待馬融要見閭閻
他日效畫知鄒魯舊時風南船美味來蚶蛤東
閣重茵累豹玳講道從容有餘暇好題佳句寄
征鴻

寄仲齋并述草堂新居之樂

青雲甲第嫌高大却向東臯別業居有地不栽
無用樹滿池俱畜可烹魚每因客至呼狂藥只
厭人來乞草書時雨桑麻連夜長老農相慶道
何如

贈鄭有孚

八卦元從一畫傳河圖出自洛書前誰於太極
言無極數盡先天與後天西蜀君平人服善長
安季主史稱賢嗟予學易空頭白懶墮無心更
草玄

感廢

平泉一廢春誰主開過薔薇幾度花惟有夕陽
知世態不堪芳草遍天涯鶴仙動說千年事燕
子都歸百姓家恠見向來歌舞地何人於此種
桑麻

登天馬山

左瞰風波右石湖雲間隱暎見浮屠江山入畫
衾猶昔歲月攬梭日又晡醉筆草書登雪侯征
袍舊繡拂天吳不堪臨別多愁思欸乃聲中聽
鷓鴣

雲松陸宅之先生以別時容易見時難為起
句賦律詩一首送俞原肅之武功予亦續貂
別時容易見時難到手深杯莫放閒昔似延平
飛劍去今如合浦得珠還新愁不脫詩中意舊
淚猶存竹上斑何事匆匆又分手征鞍無計可
相攀

次韻彞古鼎題報德方丈壁

老僧談道席生風納得須彌芥子中雲磬響時
經藏轉天花落處篆烟濛上乘高妙無門入正
覺分明有路通色本是空空是色誰知非色也
非空

草堂雜興十首

西郊草堂者真率道人耕讀之所也道
人寓竹岡東西數年凡一再徙皆郊居
焉今草堂與昔之草堂相去又二里許
自東而西故有是名以其不常厥居也

時出碧雞坊西郊向草堂是則杜捨遺
居浣花溪時詩蓋與此偶合非襲以為
羨彌也耕讀餘暇口占近體十首每首
以我亦西郊有草堂為起句謂之草堂
雜興聊寓其閒居自得之趣不圖貽笑
於大方家也靜菴高都官見而寵和之
且請錄于篇端留鎮草堂庶幾後之作
者必有如楊汝士者出焉此道入所以
望都官而都官復以望衆人也道人者
誰隴西董良史也

我亦西郊有草堂何須定在碧雞坊桑麻得兩
饒生意榆柳參天盡作行居鸛另存閒地位種
魚新鑿小池塘高情此外猶何憊只少扁舟繫
岸傍

我亦西郊有草堂旁人錯比百花莊筆牀茶竈
皆新置詩卷圖書只舊藏屢隱寄聲求菊本山
僧折簡送椒秧豪華短促如春夢不似田家飯
力長

我亦西郊有草堂野花山卉四時香小兒學字
塗鴉拙奴子應門抵鸛長自毀茶經高陸羽不

傳琴散陋嵇康太平

朝野無遺佚獨為才疎得豹藏

我亦西郊有草堂石為階砌土為墻竹間碁局
消長夏樹底胡牀候晚涼五月新絲登杼柚四
時佳果當餼糧遠遊多少忘歸客日日印蛛與
太行

我亦西郊有草堂超然與世欲相忘興來得句
追陶謝閒去抄書補漢唐東里花開時獨往南
隣酒熟每先嘗浮生已是中年後鏡裏何嫌鬢
髮蒼

我亦西郊有草堂綠陰門巷麥風涼縹車索索
鳴中廟煙火依接近疆溪女纈裙提甕汲鄰
翁挾俎隔田穰熙熙實有先民樂不比桃源事
渺茫

我亦西郊有草堂時從野老話農桑匏瓜足食
何憂饑屨拓新栽莫漫傷架上法書兼魏晉案
間諸子襍荀楊朝耕夜讀吾儒事可不焚膏繼
夕光

我亦西郊有草堂蒼苔滿迤石田荒燈前夜寐
妻兒語場下秋晴老弱忙細紡未綿登市價先

鬻糶種納官倉開門不見徵租吏便是田家
小康

我亦西郊有草堂
槿花籬落幾斜陽
過橋野色分江斷
遠屋禽聲得樹藏
椰子作杯傾綠醕
鱸魚斫膾抹紅薑
應門只為溪童懶
客至長令倒屣忙

我亦西郊有草堂
梅花紙帳竹筐林
茅柴味薄惹樹烈
滑拙烟消芋栗香
為着殘碁知勝負
因觀通鑑識興亡
何須抵死憂身外
萬事無如醉作鄉

送顯天際入南禪

結茅來住水雲邊
面壁工夫幾幾年
已悟佛乘無小大
不知人事有推遷
江湖遠跡應俱掃
雨露之恩深豈獨
偏井上轆轤移得
去鉢盂到處濯清泉

送錢文規回鳳陽

游子廿年來故鄉
里閭訪舊半存亡
買羊土塚逢寒食
騎鶴纏腰對艷陽
花信風高紅雨急
濠梁水暖白魚長
江南父老臨門待
帶得親知字幾行

清明前二日林泉過予西郊留宿草堂晚步
賦詩因次其韻

犬吠雞鳴達四郊依依烟火疊相交時光暗轉
催農事海味初來贍客庖細柳綠嫩臨水樹小
桃紅傲出牆梢子雲寂寞甘衰朽更有何心作
解嘲

寄章彥才

不見故人三十年偶聞近况客談邊生涯牢落
身猶健壯志蹉跎髮已宣昔日孩提今跨竈暮
年伉儷續調絃舊遊踪跡都如夢覓紙題詩意
惘然

次韻林泉留宿草堂感舊

時光物色易推遷虛度青春五十年晝夜本無
閒日月古今同是此風煙伯鸞幸喜妻能敬世
勤惟憂子不賢若問龐公身後事遺安空有鹿
門田

題張伯英畫

江山如畫只依然陳迹分明在眼前茉莉花開
還滿路蕩枝樹老又增年巖中有客携家隱馬
上有人衣錦還信是閩鄉文物盛長歌短句錦

連篇

菊莊為陳孟宣

茜水塘西第一家竹籬茅屋枕鷗沙數株畫意
婆娑柳三徑幽香隱逸花彭澤郎官存故事吳
門老圃共生涯從來因得延年力晚節優游鬢
未華

醉吟四首

俯仰視茫茫天地如許大不知有何物更在天
地外

日月相代明西沒復東出昨夜又今朝四序常

不失

大海渺無垠自非人力為天作與地設古有何
人知

自從有天地人事幾遷改更過百年期今人誰
復在

小山叢竹四首

雖云覆篔功翠擇若天產自怡道人心不供俗
子眼

有仙何必高神會即嵩華岷峨縱在前當使入
我躋

地偏人跡稀林靜鳥聲樂
松留石上陰竹解風前
擗

去濕茱萸酒扶衰枸杞茶
滿山屯玉氣平地出丹砂

倪元鎮畫

地僻無人掃亭前長綠苔
不知丁氏鶴何日可歸來

曹雲西畫

貞溪人如玉詩畫清無比
至今溪上人不唾溪中水

顧定之墨竹二首

木脫百草枯此君有貞節
獨於歲寒時居然傲霜雪

種竹何必多無則令人俗
蕭蕭一兩竿清風自然足

次韻仲基春來雜思十首

月在攝提格天回甲子春
麻姑多壽筭幾見海揚塵

溪艇瓜皮小沙隄鏡面光
梨花能雪白柳色賽鵝黃

鶯眼穿榆莢兒拳怒蕨芽不知王謝燕此日在
誰家

南風又北風今日非昨日草暗習家池苔乾謝
公屐

好花容易褪惡草自然生我亦徒憎愛無情對
有情

楊柳低金縷鸕鷀滷玉蛆縱無山簡馬也伴倒
騎驢

去日云燕趙書來又豫梁東隣抱兒婦猶恨嫁
行商

酒勸杯杯覆棋看局局新黃金空傳世白髮肯
饒人

雨連三月久春剩一分多暮醉兼朝醉長歌復
短歌

水面落花紅天涯芳草綠王孫歸不歸此恨何
時足

畫扇二首

世態有古今江山本無異相逢俱隱淪所問知
何事

輓鴉渡江船痺瘰臨關馬蕭寺罷晨鐘殘雪尚

觀瀾

折枝牡丹

沉香窈窕久無歡
何況楊家百寶闌
池館買裁誰到老
不如聊寫折枝看

墨菊二首

夕餼始見楚人辭
晚遇紫桑亦賦詩
何似顏工寫秋色
金壺墨汁更淋漓
三徑荒蕪靖節歸
緇塵暗眼蝶來稀
羲熙心事如前日
祇恨黃花與昨非

楓橋夜泊

野店沽來酒欠濃
客愁今夜又相逢
江楓漁火都禁得
只怕寒山寺裏鐘

墨梅

兩枿煙梢筆意新
東塗西抹宛如真
冰肌玉骨渾非舊
別是孤山一種春

雪煮茶三首

梅雪軒中雪煮茶
一時清致更無加
銷金帳底羊羔酒
莫向陶家說覺家
梅雪軒中雪煮茶
倚闌和雪看梅花
新年第一逢清賞
當作人間勝事誇

梅雪軒中雪煮茶無人知此淡生涯肩輿迎送
勞煩主比似山陰興不賒

捕魚圖

道士磯頭春雨晴桃花水漲柳風輕妻孥不缺
魚羹飯何必人間利與名

羨人鏡中影

畫中元是鏡中人看畫何如覽鏡親若使果然
能解語便於紙上喚真真

豫讓

生不匡君死報君趙襄未害殺忠臣頸非自漆

誰能漆愧爾何勞更漆身

宋太祖雪夜幸趙普第

風雪開門夜甚寒此來非但一尊歡江南果是
他家物豈可容人卧側斲

東坡赤壁圖

月明風細水無波客有吹簫自倚歌東望武昌
西夏口山川如此感懷多

子猷訪戴

雪夜乘舟意似癡一時狂態竟誰知非關興盡
空歸去自覺無由見戴逵

閒情二首

酒灑瓊珠白玉缸多情蛺蝶小紅窓深深各出
穿花去還復飛來作一雙

暑渴消時酒半醒自調冰水貯銀餅夕陽又帶
梧桐影過到窓間第二橋

芭蕉士女二首

惜春情重減香肌正及提孩學步時莫道芭蕉
通換葉已無一筆舊題詩
春來心事恐人知懶寫芭蕉葉上詩記得霓裳
新樂譜晚涼偷按玉參差

次韻俞原舉雪中見寄五首

草堂真率更無加懸榻待君能幾家梅雪軒中
春有約莫教孤負海棠花

搖落空山無茂林僅餘松柏歲寒心洛陽聞掃
城中雪只有素安住處深

雪遶鴛湖景絕塵王恭鶴氅倍風神此時為子
遙相憶欲作山陰訪戴人

西郊風雪滿天時坐隱烏皮獨爾思書札未來
先得喜鵲聲偏在傍簷枝

過鴈無憑望欲迷春波只隔五葺西相思此夜

何終極月在青天水在溪

夜坐

金鴨香殘猶有燼銀臺燭滅僅留心夜深月到
舊檝架斜送窻間一角陰

效秦文仲絕句四首

文淵閣下隨朝士右順門西待詔人中使口傳
鸞駕出各將封事

御前陳

日上東華暖霧開御河金水碧於管內建擊出
青涼繖知是黃門進膳來

朱衣繡襖織金花寶蓋仙幢擁翠華文武班齊
天樂奏龍頭小輦載

官家

百官朝罷乘輿還階下龍媒立仗間燕避果恩
風不動黃金宮闕五雲間

金陵懷古

橋逢朱雀題無柱巷入烏衣住有人野老不知
前代事却嫌過客問梁陳

早菽安慶喜得順風

船頭奔浪響潺潺雪捲雲翻洶湧間只恐好風

帆去疾匆匆過却小孤山

次韻灑溪先生題羅天巖詩有引

零之南山有巖曰羅天者灑溪先生暇日燕遊之所也先生通判贛州故嘗往來于此嘗有詩云聞有仙巖即去尋徧隨雲路入松陰雖然不及洞中景終異人間名利心後之好事者從而勒諸石建書院以祠之玉霄滕公待制又為之記蓋欲其久遠而傳諸不朽也自羅兵燹名實俱廢蕪沒不知其所矣予以巡按至零都學諭黃君翰為予道其事且能

誦其詩使人一仰三歎欲求其跡而不可得也敬步遺韻用致想像彷彿之意云

咫尺仙巖不可尋甘棠何處闕清陰洞門只在煙蘿裏無路攀緣枉費心

過郎當嶺

郎當嶺外分司馬惶恐灘頭奉使船到處不如歸去好南窓寄傲北窓眠

次韻張林泉兄弟倡和三者

一車南去兩帆西白首林泉獨短蓑為問閩中聽謝豹何如清夜楚猿啼

友于情重尺書稀各向西風怨落暉腸斷幾聲
嘹唳鴈如何不作一行飛
別來幾度菊花黃三徑至今渾未荒再見不無
存歿感登高更忍作重陽

丙寅歲旦試筆

僕指浮生半百過少年豪氣漸消磨人來獻歲
無他祝鄉里衣冠剩不多

趙松雪承旨瘦馬圖

將軍老去已封侯汗血功成百戰秋得放華陽
春草裏黃金何必更籠頭

聞鵲

昨夜燈花旦鵲聲不知有意與無情丁寧稚子
應門去今日人來好出迎

王母醉歸圖

玉麝馱醉夜闌珊又是瑤池赴宴還青鳥只通
方朔信如何再不到人間

二喬圖

喬家姊妹盡知書宮樣雲鬟學得梳雖在流離
歡亦足中郎有女不能如

伍胥廟

誰載西施出五湖一朝麋鹿上姑蘇後人說起
亡吳恨猶向臺邊酌子胥

華清池

幸蜀殃根在一身香囊忍委馬嵬塵池中只有
殘湯水不見當時出浴人

昭君圖

莫恨丹青畫不真後宮那得更無人和親果是
寧胡計何惜區區妾一身

貴妃鞦韆

脫下凌波一瓣蓮當時擲棄馬嵬前禰然老媪

收箴得猶有癡人費看錢

渡船老翁

送人北去又南來路口垂楊眼見栽自有此船
搖此渡幾回到岸幾回開

贈隱者張山人

蒲團竹榻烏皮几羽扇綸巾鶴氅衣不獨市朝
無此客山間林下見應稀

友人續弦

煎得鸞膠續斷弦玉臺新鏡更團圓劉晨合有
神仙分尋着桃源洞裏天

題扇次韻姚比玉

甫里西來笠澤東扁舟彷彿似龜蒙舊時記得
相逢處恰與如今畫裏同

深溪隱居圖為廣東叅議金華王公正

故家百年喬木陰清泠莫測深溪深珊瑚已愛
釣竿拂風雨時時龍一吟

題姚澹如畫扇寄梁彥思大尹

青山深處白雲多茅屋依然在澗阿借問隱君
歸去後故園秋色近如何

春山曉思圖為僉憲林彥恭

閣雨輕雲已弄晴窓間曙色漸分明幽人正被
宿醒惱啼鳥隔簾三四聲

題扇

蹇驢乘興雪中來踏遍江村不見梅咫尺有無
須一到寒香寥落寺門開

題畫二首

凍雲壓樹雪漫山楚尾吳頭彷彿間日暮天寒
鳥飛絕此翁何事却忘還

春山寂寂鳥不鳴阿咸自求弦上聲更無知音
一賞遇育次磊砢難為平

庚午除夕風雨大作因思壬戌歲除在按察
司官舍無異今夕瞬息之間已及九載慨今
念昔不能無懷遂賦此

向來除夕燈前雨身在他鄉憶草堂今夜草堂
還守歲燈前聽雨說他鄉

與太常典簿顧謹中題畫二首

彷彿風煙笠澤東吳山不與越山同誰家樓閣
停歌舞舊是夫差避暑宮

滕王高閣倚江濶畫棟珠簾歲月深南浦西山
晴復雨後人朝暮幾登臨

次韻丁和仲

草書入聖過張顛筆底龍蛇勢宛然踏破草堂
鐵門限人來乞字不論錢

題畫

一從劉阮離天台洞口桃花幾度開知道再無
相見日當時不放出山來

次韻沈文舉為鳳陽錢文規題畫

一自移家禹會村十年不出草堂門舊時桑梓
今看晝夜夜九山勞夢魂

藏叔彰山水

山北山南秋復春扁舟為屋樹為隣誰能學得
天隨子老向江湖作散人

靈岩寺

採香無迳草茸茸響屨廊頭語候虫今日梵王
龍象地行人猶說館娃宮

題畫四首

江蛟上岸作樹立月下風前號鬼神山澤幾年
無隱逸衣冠夜出是何人
或時風雨或時晴任我漁舟到處行朝去暮來
頭自白水光山色有何情

偶然行到水窮處隔岸無船人不渡白雲出岫
已多時夕陽猶在西岳樹
流水響時石礙好山缺處雲遮咫尺溪橋過去
茂林脩竹誰家

斜塘晚泊

路入斜塘日已昏田家犬吠出離根老翁開戶
驚相問何處船來夜識村

題畫五首

罷釣歸來不汝期無心說起爛柯時仙家歲月
真如許也向山中看奕碁

水光山色曉蒼茫
遠樹浮嵐寺半藏
還盡夜來聽雨
續片帆今日過瀟湘
鼓瑟齊門事已非
抱琴何惜賞音稀
有弦爭似無弦
遠聞看閑雲出岫飛

江上青山可隱居
釣船到處有鱸魚
姓名却在人間世
只恐安車詣草廬

門外數株常偃樹
屋頭一帶巨然山
江南舊日經行處
多有人家似此間

書所見二首

下馬見人頭不低
青樓日日醉如泥
杏花壇上

擣蒲散又向城東
看鬪鷄眉掃春山
髻縮雲銀條紗襖
藕絲裙倚闌波立
嬌無語手托香腮
酒半曛

打姑惡二首

有樹莫容姑惡栖
爾何怨姑猶怒啼
人家有兒亦有婦
不願使聞如爾妻
姑惡何惡怨未終
世人至今無此風
爾啼莫來近我屋
我姑不與爾姑同

題扇

無人學得廣陵散
月白風清試一彈
萬籟不鳴

群動息九霄雲外舞青鸞

屏風畫意二首

杏花如錦柳如絲彷彿西湖二月時詩意不過
模畫意何須畫裏更題詩
一番雨過一番涼紅藕花開滿屋香四面闌干
都傍水倒看雲影度天光

附寬河書後寄周仲萬父子二首

始終情意兩蹉蛇離恨雖多話亦多只有舊溪
溪上月照人一直到寬河
不是無心不寄書越添煩惱寄何如那堪一一

從頭寫欲寄還休意有餘

柳下漁舟

柳陰日日繫漁舟漁婦漁翁盡白頭樹已半枯
人亦老更堪落葉幾番秋

閒居二首

茂林脩竹是吾廬身已無官也自如蒔藥種花
筋力倦北窓高枕教兒書

風雨連朝不出門晚來步屨看溪痕不知筍過
隣家去籬落新添竹幾根

夢茂名兄二首

乙卯夏四月二十有一日庚戌之夜予既夢
茂名兄次夕復夢焉明日姪澤以其兄治所
貽書來告曰近見侍儀介公言茂名縣地已
併屬高州治在任官僚皆改除若翁則陞倅
贛州府矣此說得之衢人語雖未可必信又
安知不為疇昔見夢之或驗歟因賦二絕以
紀其事徵果否於他日云

兩夜郎官入夢頻今朝報喜應斯人侍儀豈是
無憑語只恐衢州信未真

久無書札報平安正懼蠻方撫字難喜見故人
親口說近時已轉贛州官

夢得洛容兄書

乙卯九月十七日夜予夢得洛容書寤而呼
婦語之而婦夢亦同因誌于壁又五越月然
後得書視其發書日正所夢之日也感而紀
其異云

我與細君同夢夜洛容縣裏發書時至誠有感
通天地萬里歸音一夕知

別姪董時雨二首

子與時雨姪同以有司貢舉來

京師至是予巡按江西時雨得歸侍養詩以
識別併用示兒浩云

與汝同來汝獨歸丁寧語別寸心違丹陽車子
龍江舸明日東西各自飛

強近無親骨肉稀糟糠有婦不勝衣到家說與
癡豚犬好護瓜田待我歸

次韻俞東村見示四首

草茅蔽野出無蹊
寒落衡門水竹西
客至尚能留一飯
小兒沽酒婦蒸藜

右自述草堂之陋

池塘春草夢依依
明月清風半掩扉
今夜燈花

何大喜多應洱海有書歸

右憶弟季明

宗親零落重蒼功
馬首何時得向東
二十年來鄉里變
半登鬼籙半稱翁

右憶武功兄

今夜平分一半秋
可憐兄弟不同遊
片雲將雨非無意
天上姮娥亦為愁

右中秋對雨

與俞原肅留別十首并引

原肅貴介將復之武功
令弟仲基乃摘古人
詞中語以別時容易
見時難為起句既賦
律詩一首亦効顰復
作十絕用代折柳之
贈吁吾老矣於其行
也不能無所感焉夫
原肅去

家二十年僅能一拜丘隴訪其族人故舊所
存十無二三而今而後使原肅更二十年而
歸不知吾能及見否也是則可悲也雖然後
會倘有期亦當出此以發一笑

別時容易見時難莫作尋常客子看二十年来
逢一度四千餘里到長安

別時容易見時難愁上心来有萬端傳語不如
親會面臨行欲發又盤桓

別時容易見時難對酒當歌且盡歡不就目前
同一醉明朝何處盼征鞍

別時容易見時難屈指凡經廿歲寒更去更來
能幾度并州已作故鄉看

別時容易見時難渺渺春江送木蘭三疊陽關
休唱盡一聲淒楚一心酸

別時容易見時難無計相留看牡丹去向洛陽
城裏過不知何處可凭闌

別時容易見時難和恨和愁寫一攤若遇後來
相憶處聊將紙上筆蹤看

別時容易見時難我釣吳淞爾釣磻遮莫子牙
釣餌大四腮風味屬張翰

別時容易見時難芳草萋萋不忍看况是春深
無鴈過到家誰與寄平安

別時容易見時難兩處相思總一般世上此情
何日已除非石爛海波乾

偶題三首

東風細雨濕窓紗日晏黃蜂未報衙芳草滿庭
隨意綠時時吹落碧桃花

小徑斜穿入竹林曲闌通轉亞花陰牆隈勢偏
風如旋落地殘紅幾許深

青石闌干遶曲池株株楊柳倒垂絲水心亭上

釣簾坐魚唼殘花口動時

夜泊江上

鳶叫霜汀鵲遶枝夜長無寐客眠遲一燈隔岸
漁船火愁似江楓對照時

佳方人家

流水濺濺白石灘疎林紅葉半凋殘溪邊畧約
山前屋如在黃筓畫裏看

寒江漁者

浮家一葉小如梭前載兒孫後浪婆今年天寒
難下網蘆花深處避風波

備竹芙蓉四首

芙蓉花老碧波寒，竹上湘妃淚未乾。
日落黃陵廟前路，如今彷彿畫中看。

十二峯頭月欲昏，陽臺夢裡舊精魂。
至今猶恨湘江水，不為娥皇洗淚痕。

竹上當年淚未消，又將紅粉濕鮫綃。
月明聽鼓雲中瑟，魂斷蒼梧尚可招。

黃陵廟前湘水深，蒼梧人去杳難尋。
西風洒遍啼紅淚，竹上斑斑恨至今。

除夕與仲齋守歲語及鄉中遷客有感

睹酒搏拳夜甚譁，故人屈指半天涯。
梅花冷笑東風裏，守歲開筵有幾家。

閨思二首

病酒傷春十日過，爪痕不敢露金詞。
莫令鸚鵡知消息，鸚鵡人前最口多。

博山無火膽瓶空，何處香來別院中。
已是釵頭新茉莉，隔簾微度扇車風。

堪笑二首

畢竟長生藥不真，世間誰是百年人。
貪夫務得如何意，似欲黃金鑄此身。

自古興亡有數存銅駝曾見棘中躡
贊皇謾述平泉記猶欲丁寧戒子孫

無題二首

蜘蛛結網為何忙作蠶春蚕自速亡
只有蜜蜂甜得味終身受用百花香

泛泛人心獸不如陸家黃耳解傳書
殘唐亦有孫供奉恥向東梁致起居

懷李明大政二鄉友

鄉里衣冠日漸稀故人又去着戎衣
塞翁得失皆前定莫向如今怨昨非

與張鍊師共飯而雙鸛來舞

道人邀我飯胡麻分得安期棗似瓜
何處台來雙白鸛直從天上玉皇家

偶書

太行幾日為平地巫峽何年是坦途
三見揚塵東海底誰能有眼似麻姑

寄延平西芹河泊所官姪時雨十首

較勤慈母手中線念子出門當遠遊
記得臨行密縫惹白雲飛處一回頭

蠻郎舌作南人語蠻娘髻效北人梳
新官到任

意未慚禁得滿山啼鷓鴣

昔年雷煥豐城劍化作雙龍入水中去後不知

誰復見殷勤為我問漁翁

西片女兒茜裙衣插花來迎官長妻低頭拜跪

多禮數言語不通如鳥啼

淡菜蛤蜊商販到荔支圓眼福州來肩輿盡日

行山谷滿路蘭花不是栽

榕陰布地晚生涼風扇釵頭茉莉香通印子魚

初未識得來惟共細君嘗

官機白苧裁將樂時樣烏紗學在京當暑着來

爭道好不勞揮扇也心清

出焙好茶閩上有帶漿新荔淋西無異鄉羨味

都嘗遍只欠松江巨口鱸

樹頭柑子如盆大地上蘭花似草多官舍日高

初睡起隔窻人語是鸚哥

漿調紫蔗宜新壓羹絮紅糟已慣嘗在任久居

諳土俗方音食性逐他鄉

效香奩體二首

碧桃落盡海棠開簾幕春深燕子來心為惜花
身病酒一林絃索鎖塵埃

花影重重上繡簾日高針線已慵拈試將紅葉
題詩了閒把金鏤剔指尖

集句次韻俞東村四首

痛飲狂歌空度日感時心緒杳難平不堪吟罷
東回首水國春寒陰復晴

幽居悄悄何人到一點山螢照寂寥欲寄所思
無好信夷歌幾處起漁樵

蕪葭楊柳似汀洲細草春香小洞幽風景蒼蒼
多少恨煙波江上使人愁

黃昏溪上語人稀零落交游我獨悲有約不來

過夜半誰收松下著殘碁

初度日自况 清平樂二闕

今朝初度俗狀渾如故只是朱顏偷叛去白髮
新添無數 休將事挂心懷天公自有安排同

在金門通籍幾人如我歸來

今朝初度敢道儒冠誤造物拘人元有數不是
青雲無路 團圓稚子山妻尋常淡飯黃蘆日
晏枕邊啼鳥何如馬上朝雞

觸事感懷 糖多令

眼便樓涼寒鴉噪夕陽二十年多少興亡

謝朓憂無井天歌舞地放牛羊 往事莫思量
說來愁斷腸舊時人都在他鄉但得酒杯長在
手終日醉何妨

次韻張夢辰秋感

臺城路

木犀花落芙蓉綻知他鴈門開未金谷園中平
泉莊上又見許多興廢今非昔比試仔細思量
越添憔悴怕上高樓夕陽山外水東逝 重經
王謝隣里尚依然認得門巷還是車馬誰來管
絃何在惆悵盛筵難繼吾生老矣比宋玉愁多
更加一倍月到窓前滿城砧韻起

春思

點絳脣

睡起鴛幃綠紗窓外鶯啼曉海棠開了簾櫳春
寒悄 誰在秋千却是風來裊眉慵掃情懷不
好鬪甚聞花草

自警

驀山溪

人生如寄休作千年調七十古來稀有那箇長
生不老富貧貴賤都是命安排從好狡誰能保
一世常閒好 如今眼底故舊看看少客至便
須留管甚麼杯盤草草光陰後去畢竟已無多
頭白了無分曉費甚閒煩惱

題瞻山賴實父詩集後

天台賴善卿以其先伯祖瞻山詩集見示且貽書致其請曰最間翁已嘗題于集後矣子可以無言乎予展卷閱之辭如玄圃積玉而又出於善雕琢之手珩璜琺瑯珪璋琬琰無施不可制作品度不失毫髮見之使人肅然啓敬不能不為之正容歛衽也夫詩自三百篇後變而為五七言盛於唐壞於宋不易之論也瞻山公以詩鳴寶祐間斯時斯際詩法壞已極矣公迺獨能卓然自為機杼成一家風骨百鳥羣中見此一鶚可謂回狂瀾於既倒者邪善卿素知詩於今之作者尚能采輯而俾傳於不朽况於爾家先聞人乎尤宜寶之

雲東小隱記

雲間胡彥恭去城之東三十里許買田築室隱居養親躬畊釣妻辟纊以資衣食歲時鷄豚之畜桑麻果蔬之給恣有瞻暇則陳經史稽古今得失遇關世教者輒筆之或著為論辭或數於歌詩以自宣其偃蹇抑塞之懷其他聲利事一不接于耳而泊於心也於是揭其所居之室曰

雲東小隱而徵予記辭弗獲謂之曰避世墻東者王應仲之隱也避亂遼東者管幼安之隱也張翰棄官則隱於江東杜陵間居則隱於灤東今子居雲東而復以隱名之亦將以三三子同其跡乎彼二三子則皆以時與願違顧有所難為者故栖栖屑屑或遠或近或夷或陋遯世而無悶焉蓋非弗欲仕而固於隱也所遇則然耳方今

聖明在上求賢如不及山林之士占小善者名一藝者固有遺棄子讀書學古胸有奇略不仕則已仕則取富貴如探囊中物耳子乃不由其易而由其難不為其常而為其怪固欲隱蔽絕塵於草莽之一廬使非居雲東者皆將不得聞子之風識子之面焉視彼二三子者處亂世之為不已甚乎彥恭之言曰吾豈矯世盜名而弗仕者蓋嘗病夫躁進之徒其年未及仕其才未可以施於政不自量力度德一旦貪位苟祿鮮有不隳其職而敗其事者是以朝印綬而暮樹揚者有之昨日立朝而今日棄市者有之昔孔子使漆雕開仕而說其未能之對益成括仕齊

而孟子知其將見殺焉然則開之才聖人固知其可仕矣其所未能者則聖人所不知而開自知之括之才不可供括不自知而人知之彼陳職敗事至死而無悔者由不自知其才之不可仕而仕也盆成括之徒也漆雕開則免乎此矣吾才不可仕人不吾知吾則自知之既自知之而復貪位苟祿是亦不量力度德也吾是以懼故處貧賤而安之非惡富貴而然也太處亂世知時之不可仕而隱者古人之高也處治世知才之不可仕而隱者吾之分也隱非盜名示不敢焉也何怪焉余聞其言而謝曰果我予之志也隱居以行其義積學以成其德亦豈有不善者乎且夫小者大之漸隱者顯之基他日玄纁之幣求賢者之廬而造焉吾知其不在南山之南北山之北而必於雲之東矣是為記

退叟傳

退叟初居雲間之谷水自號雲谷暮年伴歸老計結廬仙山號退叟人問之故則曰吾年踰知命既衰且拙知其時命退才力退心退於思智退於謀聽明退於身自精英退於毛髮凡此數

者莫辨退之驗也吾是以號或曰叟之說不已
局乎夫賢者蘊之為德行措之為事業苟有可
為之時雖磻溪之翁猶不以其老且耄而自減
於世今夫叟又安計其在此者而卒弗進於彼
也叟聞之曰予非弗行其志者隱顯必由其道
夫水行覆舟陸行摧車往將奚適見其可進知
難而退可不慎歟鳳凰巢於高林蛟龍窟於深
潭各得其所止而已凡吾所以如此者亦將處
靜以固其分避危以圖其安抑豈為矯世盜名
之跡也哉衆皆是其論且曰吾退叟者可謂高
尚其事矣叟平日讀書自娛餘事一不經意然
名之役則徃役也又性好施予產業不務廣益
家有常稔之田千畝歲給之贏族之匱乏者咸
得以贍予既嘉其言而又重其義故為之傳且
以警薄俗也叟黃氏君澤其字云

題西旅獻葵圖

武王克商蠻夷通道西旅底貢厥葵太保以為
非所當受作書用訓于王夫以武王之德遠人
向化畢獻方物宜也召公何以不然而諄諄訓
之特慮其實遠物而不實賢則其所以為王慮

者亦可謂深且遠矣史記載穆王不聽祭公謀
父之諫而逞意犬戎雖得白狼白鹿以歸自是
荒服者不至召太保之言其有不驗乎張真期
學龍眠筆法迺為此圖學之似與不似且勿論
但不知當時繪此將使後世按圖而索之耶將
使為之鑒而求訓戒也恨不能起貞期輩而扣
其故後之覽者又豈可以尋常圖畫而例視之
哉

萬山隱居記

鄭為開封屬州而滎陽汜水又為鄭之屬也溝
溝在其西廣武屹其北其前則萬山疊翠其左
則索汴合流寔古形勝之地故其人物輩出往
徃多卓犖奇士今賈公時進青年負才負奇士
也迺結屋萬山之中以釣以游顏其室曰萬山
隱居而徵記之僕曰古之人未嘗不欲任也士
之有隱夫豈本心哉各因其時而已矣彼南陽
鹿門諸君子是也方今明良相逢占小善名一
藝者罔不畢舉山林之間寧復有隱者乎之有
是名也奈何時進之言曰予非弗仕者且予先
世皆前朝武弁累葉簪纓澤施於人名昭於時

至於今猶彰彰在人耳目予不肖其於是有所
未信未達而不敢起苟祿念得混跡於老農老
圃之間亦是矣尚何論其他僕曰果哉子之志
也以萬山之居之樂子誠可以隱矣以子之才
之羨又豈萬山隱居之人乎吁萬山之居得人
而益彰人以萬山之居而益高子既出而仕矣
宜發其所蘊擴其所能上副

聖天子急賢才之意下不負所學彼清泉白石
黃花翠竹當俾山靈與之詞護為他日功成身
退歸老之地與午橋綠野相輝是為記

閒處光陰記

上海之沙岡有隱居為章文浩氏於其墅之西
偏外齋之後鑿地為池壘石為壇樹以松桂旁
有古梅碧桃相夾拱池中畜金魚植嘉蓮池之
上又作小軒通外齋以為遊息之所其廣三間
袤則不逾尋丈花香竹色熏染几席雲影天光
出沒闌檻幽閑窅窅不知有塵世之膠膠擾擾
也因取少游詞中語名之曰閒處光陰而求予
為之記予謂少游雪月中人咳唾珠玉故其言
雖淺近而意味無窮登是軒者觀其名而思其

實一軒之義盡矣備矣雖然光陰一也豈有閒
不閒之謂哉閒不閒此天之所以予奪於人而
人不能自必者光陰不知也人得其閒不得其
處則徒有其閒而為虛度矣雖得其處不得其
閒則徒有其處而為虛設矣既得其閒又得其
處光陰豈有不假乎人者哉文浩好尚高潔胸
次蕭洒上勤賦稅之供下盡事育之責退而休
偃於此避喧樂靜此豈非有得於閒處光陰之
所者乎至於風日佳時窓戶洞啓與夫二三郡
人談名理討論清事或觴或詠或琴或奕焚香
讀書或啜茶觀畫無一不適其宜此豈非有得
於閒處光陰之時者乎且夫光陰者百代之過
客也其在天地則無窮在乎人則有限以有限
而言之古無今之日今無古之時文浩有見於
此得所與時矣閒處勿虛設也光陰勿虛度也
如此則於少游之言為無愧命軒之意為無負
矣視朝暮運甓恐不堪事者今亦何在又安能
以彼而易此哉文浩作而曰某雖不敏請事斯
語矣遂書為之記

祝洞天真人贈行詩序

橐籥先生本神仙中第一流人也與予相遇于京師者凡兩閱月往來密迹歡若平生一日來與予別袖出四明陳協和吳門楊彝中葦唱和所贈詩累而成什屬予序其端予展卷觀之其作者果一時名流其唱和亦一時盛事有如端紳正笏周旋中規折旋中矩者有如輕裘緩帶乘堅策良馳騁自得者有如羣屐少年之風流醞藉者有如甫掖老成之嚴毅方正者猶聳之有黃鍾大呂也猶味之有項上之鬻也華星秋月不足為其光明粲爛也赤霄鳴鳳不足為其休祥嘉瑞也玉壺之水不足喻其清金莖之露不足喻其繁也良金義玉不足喻其貴越羅蜀錦不足喻其文也先生挾此以歸吾恐不為鬼神所奪必為蛟龍所爭宜慎寶之勿輕以示人吾黨之士苟挂名其間者他日或能訪龍廬過升仙橋出此一笑均不為生面客矣捲而急還予氣始平

禽陸宅之先生

仰中承佳章賜教展誦數四使人如登度樓造天柱而載酒赴約豈非至願適逢寧審事舉肘

不克預此盟為深可恨伯祥和李輩繼以奉命
轉告亦各以故辭衆皆若此則不肖豈能獨徃
負此良會曷勝惋惜雖然他日稍伺閒暇當率
諸公乘山陰之興相與登小海樓樓主必能呼
酒勸客時紀亦能舉杯邀月奉先生壽何所不
可又何夕而非中秋也竊聞陽春白雪人猶謂
曲弥高和弥寡至如是下所作非惟寡和而真
不敢和耳吾黨又奚可持雷門之布鼓耶併容
後會以謝不敏使還畧此布悃不備

贈卜者陳彥立序

古者卜筮所以決嫌疑定猶豫也太事則卜小
事則筮然則卜之與筮而卜為尤重蓋以龜為
四靈之一背陰而面陽上隆而天下平法也左
右睛象日與月轉運應四時故其長於用著有
所不逮也雖然龜固靈矣占之不誠斷之不明
雖十朋羅五總在前亦將如之何哉松之卜者
無筭惟陳彥立氏得其傳自祖若父以善卜稱
至彥立猶著七十二鑽無遺策焉居近闕閭商
販者踵相躡於門術以大售同業爭嫉之笑且
排曰陳氏子年甫踰弱冠又且早失怙難粗讀

書其術豈有能過人者借譽播紳聞以壞重索
不然造物副之也彥立氏聞之愈自刻勵不怒
毀己者語人曰吾為晚進將逐利以活妻子學
不自信而幸孚於衆人之有是言也固宜然謂
我借譽者亦謬謂造物副之者又甚謬矣夫必
造灼鑛卜者所同也其業同志有不同其事同
跡有不同儒名而墨行夷言而距心者皆然也
吾能世吾業不能致人譽如有所譽者豈日使
人賂於市歟吾能盡吾誠不能必自售如有所
售者豈日使人要於路歟彼不察夫已而徒惡

夫人辭猶玉工售珉不恥珉之不售而忌售玉者
豈理也哉聞者服其言自是人亦無復異議予始
來松識其先君子大有凡所疑必從之卜十無一
失者大有沒復從彥立氏考其實無異先君子探
索乃軼過之予固已知陳氏之卜其傳有自來矣
今年夏交翠翁周汝明二親遘疾並危殆醫與禱
無毫髮効計窮不知所為彥立氏占之曰吉厲無
咎唯尚更良醫服良藥及冬自愈予曰疾若此朝
不謀夕尚能冀及冬乎彥立氏曰吾之卜一以誠
未嘗敢忽即弗中將不復卜或信子能為我述之

乎第驗之已而果然嗚呼至誠之道可以前知天下之理未有誠而不明者也彥立氏知卜之為重知誠之為要不瀆其靈不昧其明感而必通用而弗違所言之的如射之中鵠也由此觀之可謂無負聖人立卜之意無忝累世家傳之學彼同業者烏能知之予於汝明有通家之契且又神其卜重其請故為之述焉噫使誠有可述不求於人人將自述之使無可述雖求於人烏得而述之以子之年富力強志慤行修不當使人無斯述也傳有之曰人而無恒不可以作巫醫子其勉之他日司銓

後者設為建卜擇人必將有薦之者此又當勉之毋徒曰卜云卜云靈龜云乎哉

贈醫士歐陽子忠序

自炎黃嘗味草木典醫療疾經方本草之書所由出欲民無札瘥天昏之患其於天下後世功豈徒哉周禮則又設官掌之歲終稽其成功尤可謂重其事矣降自西漢倉公東漢長沙公沿隋唐迄宋與元賢哲踵出而方論益著宜今之人用力半而功倍善其術也不難矣然而民命日夭醫道日偷何也由不務古先聖人設科之

本意雖利之是圖故多冒醫之名不求盡醫之實索病於脉則狐惑而不知論治於理則狼狽而莫辨崇誇詐以為高飾巧佞以為能定虛實於瘦肥質冷暖於疑似往往以藥石幸有功矜志肆欲以要厚報苟為不足悻悻然怒甚則詈而仇矣若是者奚可哉長沙子忠歐君系出文忠公好讀書敦禮尚義未弱冠侍其尊人秉游江淛遂寓雲間以醫聞于時業與人同而立心獨異邦之人凡有求治遠近莫不歸歐能致其及門者又為幸然其亦不以人之向背而異其心也友人陳良佐氏客居湖源感水土之異暑瘴之毒得疾疾而歸數月弗差羸瘵直甚它醫皆技盡縮手子忠視之曰吾知病之有在矣邪在厥陰血也當某藥主之期十日効衆咸以為誕子忠乃大作湯劑藥進而病去半明日大減復明日又大減不十日果愈尅期取驗一如其言衆始駭服以為盧扁復生亦不翅過當以此獲大利子忠笑曰醫有道存焉何必曰利夫醫一也方論亦一也吾豈能外是道而自為之哉在它人則自不能盡其道耳故吾之功雖有異

於人者亦分內事也豈以利不利為言哉嗟夫
歐君之言可謂知道矣視彼之藥幸中而責厚
報者非天淵之隔乎使天下之人一以歐君之
心為心則將聖王設科之意為無愧而斯民亦
可躋於壽域矣顧不韙歟良佐之兄良器徵予
言以為歐君贈於是乎書

松城鎮西廟修造疏

伏以松江府雄據滄海上應星躔牛斗之墟鎮
西廟安奉玄天內合靈象虛危之宿十二餘家
人煙皈向六七百載香火綿長門庭久歷於星

霜梁棟莫支於風雨小道人近承繚帽蓋展規
模衆長者各賜悌懜重新矩彘殿宇挾脩廊而
列其庖福齋房聯文室而繚以垣墻非徒羨觀
寔為具禮廩粟囊金若鬼輸天雨朽壤梓匠即
雲屯駿奔此話興焉吾事濟矣聽鶴唳雲間而
祥開金闕共瞻天上之尊看鸞翔筆底而壽紀
丹書仰讚域中之大永祈恩施長固福田

南橋明行寺鐘樓疏

伏以芬蒸梨祥開陸地蔣漢城菴寔之公案猶
存阿蘭若聲響江湖五禪寺發軔之勛勞不少

仗他釋迦老子萬分之一力創於西晉天福五年
之秋正據吳夫差三女岡相去古華亭六十里
象龍蹴踏華梵皈依柰何物換星移忽尔樓崩
鐘毀荷檀度復置千鈞之器合浦珠還懸狗簾
背百尺之梯鄧林材少雖曰廢興有數貴存至
張得人新甫之栢祖徠之松豈能無脛而自至
离婁之明公輸之巧定應唾手而可成太冢運
阿堵神通覲面見給孤長者蒲牢吼月聽鏗鎗
上徹於重霄蚩吻撐空喜突兀復還於舊觀上
延

庸筭下福黎元

周汝明祭子冕

嗚呼始吾之得汝人皆以為有子而相慶也吾
年甫四十而汝已弱冠服勞幹蠱頗有助焉吾
亦為得汝之力果早而竊自喜也夫自擇師教
汝至於長立擇德配汝至於有室雖吾為父之
責固當為然所以欲遂其心者亦未易也汝能
承我教戒罔或恣肆宗族稱孝鄉黨稱弟弗違
吾志弗怠吾事雖汝為子之責固當為然所謂
克謹其行者亦難能也嗚呼孰謂教養至於如

此遽舍我而沒乎抑汝之修短有數耶抑由我之不德而夭奪之速也向之所謂可慶者今則弔矣可喜者今則悲矣嗚呼汝有少艾之妻襁褓之女未中道而路分抱貞心而誰與上使祖父受刃之割腸下使諸弟淚波之橫臆實何負於神明降斯禍之凶逆而今而後吾何意於人間世而猶言猶食也哉宅兆既卜祖塋是榭遣奠有期永以安厝

朱良佐祭夏叔明

昔我先人與公久要義隆兄弟公年差少志投

慮合肝膽相照如漆得膠如曲同調垂三十年情好靡失公為父行我猶子姪幸公有孫閨房泚質適我豚犬諧此家室念自丙辰先人早世以予不肖人所鄙棄公於此時獨尚高誼教我益我視昔無替京華旅塵大江酒船雪浦寒沙霜城曉天趨役應務每共周旋剖决盤錯公當其先香白有窩綠陰有堂亭有三思閣有晚香左揖嵇阮右招山王暇日琴奕對景壺觴令子象賢麟趾鳳毛諸孫競爽珊瑚瓊瑤何以悅懌彩衣服勞何以甘旨味充上庖年近古稀體力

彌健殘年飽飯無事相見夫何今春二豎生變
醫和縮手藥不瞑眩拏舟問候至於再三別來
信宿計音忽覃行道齋咨我則何堪涕淚橫臆
熱中如悛公既長往路隔幽冥豈無後人大振
厥聲薰葭有倚瓜葛有情寧不往來如公在生
雲山蒼蒼海水茫茫去日易遠我思則長載牲
于祖釃酒千觴三奠矢辭寸斷肝腸

周汝明祭沈君佐

九山之靈三泖之清神秀所鍾必毓人英猗歟
我公寔惟其徵曰攸好德而康而寧年登耄耋
明察秋毫早事廢舉富埒猗陶負郭相攸泉甘
土膏有宅惟奐有木惟喬晚厭紛華退跡水南
別墅聿興竹房梅菴紫芝為糧白雲為龕了悟
昨非不嗔不貪子婦孝敬阻遠晨昏溫問絡繹
安否日聞冕也何如忝婿慶門我之冢婦迺公
令孫親親相顧義方敦睦不鄙愚陋待以割
一朝禍起轉笑為哭我幾喪明公亦荼毒鼠牙
無端復穿我牖有訴弗理訟終于凶公疾荏苒
自秋阻冬限以縲絏候問莫通天地黯黑我行
為因計者隨西匍匐莫由跋而望之涕淚橫流

蜀以寓誠蘋藻可羞

祭朱梅雪

人不可以先見而逆觀者死生禍福也孝弟行於家乃不免於高生氏之毒喙信義孚於鄉卒莫解於張誠氏之浮言能得助於他鄉之逆旅不能見容於其鄰之匹夫不審夷陵之謀而有渠陽之患不樂廣漢之生而有同安之死如死者無知吾為子慟而已如有知也子其自知之矣履乎其庭若聞乎聲登乎其堂若即乎容牲飽酒旨靈其降止詞短意長如之何勿傷

朱孟文祭妻弟夏幼文

雅度軒軒秀眉娟娟鳳出丹穴玉生藍田有子敬之風流如宗之之少年人皆喻夫荀家慈明吾獨以為謝家惠連目及五行而下詩成七步之先內不辱於父訓外不負於師傳苟厥志之弗違期所進之無前揆予年之濫長甘避路於迹鞭有婦黨之瓜葛時獲親於笑言以兄禮而遇我不少矜於自賢慶宴亦於方來樂詠桃夭之篇雖痲疾之朕作謂少失於節宣每問候於平安冀弗藥而能痊柰醫禱之罔効愈在蔀而

沉綿天既賦以是德胡壽命之弗延豈不樂於
處世早脫屣於塵緣將召記於玉樓抑修文於
九原慘重闡之白髮泣生堂上之椿萱墳獨鳴
而無妍行道為之嗟咨况義涉於姻婭今日奠
于高堂明日送于新阡痛幽冥之永訣極予心
之悄悄哭有慟而不知迸涕泗之潸然

俞仲基告祖祝文

於乎喪欲盡乎禮祭欲盡乎誠此真終追遠者
之所當勉也茲者翦薙榛祭掃松楸履雨露
之既濡感中心之怵惕將以明日甲寅奉毋柩
祔葬于先考府君之墓慎終追遠之事於是乎
在不敢以不告尚冀明靈其嘿相之俾即于安
無恐無驚不勝哀愴謹告

周汝明祭親家馬林能

人不可以逆觀乎惟死生與禍福其萌隱而朕
微兮迺彼此而倚伏以前時燕樂之方昌兮又
安知遽有今日之哭公豈厭塵世而樂長往兮
抑壽命之限局使黃金不得以鑄兮亦奚用平
生之貯蓄且身後之尚紛紛多故兮恐難瞑乎

九泉之目俟予豚犬之辱與進兮才不及於坦
腹謬中選於雀屏兮冀得承乎教勗故真鴈之
未迨吉兮先緦麻之制是服予時適羈縻於謫
役兮廢奔臨為可愆迨跋涉而旋歸兮屬喘息
之未復後吾慚而已無及兮痛黃壤之埋玉我
牲既盪兮我酒既酋情發乎詞兮白我心曲神
其昭晰兮是鑒是燭

朱梅雪祭陸榮甫

衆任其詐公尚其真衆競以刻公獨其淳謙已
待物敦親睦隣生財有道貫朽粟陳子孫繩繩
如芝如蘭具慶有堂和樂且安少長愉集問衣
煥寒奉以甘輒承以色難逍遙相羊年年甫中壽
是願是養宜適宜候何期二豎敢虐敢寇遂令
吾鄉殄此耆舊我生最晚辱交忘年追感平昔
誼薄雲天念之不見哀恫曷宣敬酌卮酒涕如
迸泉

周汝明祭太婆沙夫人

稟柔懿之性蘊賢淑之德系出萬戶侯榮焜二
斗石紫詰鸞回華軒魚飾閨範雍睦閭令嚴飭
馨三稜應乎關雎稽諸禮合乎內則益以謙受

慶由善積舉案敬輟斷機教良賢子賢孫咸知
義方麟趾鳳毛煥乎文章金相玉質秀育閨房
顧寒門之與華閥猶山垤之相望蠹吾兒之匪
才幸中選於東床雖問候之已通未登拜乎高
堂宜後天而不老柰長生之無藥抑豈厭溷濁
於人間慕清虛之極樂棄庭闈之定省竟逍遙
於寥廓姮娥備廣寒之宴王母赴瑤池之約嘒
雲路之曷從徒瞻仰於總幕薦以肥豨侑以清
酌寓哀斯文出涕沱若

沙夫人落壙祭文

母氏聖善生我劬勞欲報之德海闊天高丹旄
翩翩白楊蕭蕭薤露凄其貞魂可招去日匪遠
我思則長秀城東隅勸善有鄉吉協青烏厥王
燥剗宅兆既卜茲晨最良玄堂迺關宜瑩宜域
懸棺而窆幽冥夔隔千古萬古無改無易永訣
一觴涕淚橫臆

周汝明祭李公義

系出逢掖派分剡東儒術吏事博該兼通議論
屈座中之客笑談生席上之風才未展驥氣猶
蹙虹蔑視流輩如蒿如蓬於交友間遇我獨恭

許諾必信與謀必忠自挈家以結隣乃容迹而
過從樂雞豚之同社期往來以成翁何浮言之
無根胎實禍於終凶聞訃音而驚怛抱遺恨於
無窮詣靈帷而薄奠空想像於儀容感平生而
一慟不覺涕淚之霑胸

祭朱梅雪

積善之家必有餘慶如何善人招此逆橫兩遭
播遷死不正命幹蠱之子亦顛沛而云亡鍾愛
之婿又胥靡而不幸是使六尺之孤無託九原
之目難瞑豈造物之不仁抑理數之前定嗚呼

昔常有坐上之客今之能弔幾何人匪時俗之
炎涼遽孰踈而孰親死者亦既多生者咸悲辜
慨遺軀於梅雪忽其迹之已陳所以重興懷於
既往懽予誠之莫伸望靈帷而一慟涕淚若其
沾巾

周汝明祭陳良佐

嗚呼事有不可者在乎人而易見命有幸不
幸者係乎天而難知不能盡其責而望免於咎
者此事之不可者也盡其責而不能免於咎者
此命之不幸者也在乎人者人皆可以自免係

乎天者誰得而自保邪嗚呼自吾子之長萬石也當

朝廷初法之始任重而才優孰不以為可孰不以為幸歟然其地在海一隅號為斥鹵私監賊盜竊發為民害者常常有之是以民愈困而俗愈弊棄業散亡者嚴法不能禁萬石之筭其可以一一取贏焉吾見其難為也矧其民率多奸凶貪訐之徒結朋樹黨牢不可破其來有日矣徃徃構釁尋隙賊良蠹善張喉肆吻求飽其欲苟無所獲伺人之出必極口群吠非投骨以馴

之則至咋焉吾益見其難為也於是乎前有遠輸之罰後有失期之愆其地其民之害果如此謂非溺於吾所見之難為者不信也雖則鑿賞彈力求盡其責而望免於咎意其責既盡而其咎可免嗚呼竟不得而免之身死家破函旅骨於千里之外抑在於人乎抑亦係於天乎在乎人者吾不可不為之一慟係乎天者又不可不為之再慟也其知耶其不知耶

周汝明祭沈德良并其姪大中

禍福不可測死生不可料以兩家之凶變實可

傷而可弔橫逆之來疾如飄風萬事轉頭霧散
煙空並掃迹於竹林之遊竟失聽於華亭之鶴
白雲之念淒迷黃耳之書寂寞九山蒼蒼三泖
湯湯英魂可招來歸故鄉某情牽瓜葛義託松
蘿而今而後云如之何載牲于俎實酒于筭三
奠矢辭泣數行下

父祭子洛容知縣董良用

嗚呼父死子祭廼順正也子死父祭何逆戾也
每念吾宗門祚衰薄累世一息既無伯祔終鮮
兄弟及我之身錫羨自天始有三子一女鞠育

教養恩斯勤斯而皆必其造就冀以昌吾宗汝
長而質性明敏是以情之所鍾一在於汝養生
送死之望尤在於汝也汝妹既嫁而先卒汝弟
之少者亦既婚而早逝吾時非不痛其不幸然
猶幸汝輩在也越自

聖朝詔書屢下搜訪岩穴御史張侯以禮羅致
而將升諸公既受命拜泣辭去吾時雖有別離
之戚意汝或得近任吾旦暮苟未死可望汝有
歸觀之日時洪武六年癸丑十有一月也海北
諸郡夷獠雜居炎瘴酷烈有非人情所堪汝不

速數千里而宰彼邑其為艱苦可知自甲寅四月聞汝在京起行乙卯正月始得到任後九月書六月又因遞報知汝由茂名調洛容於貴州喪其僕隸吾謂汝在遠方煢煢孑立視其僕猶骨肉也汝失之何以為懷今年丙辰凡兩得書平安固為可喜而終不自樂以為徒能見汝書不能見汝面也况自汝去家三年凡所寄書皆因人之託而未嘗有信使來豈汝獨不切於顧家必其欲如是而不可得也因念洛容為柳州屬縣按圖經其地在古荒服皆音賢貶斥之所汝今往居之而重以羈孤何其不幸歟抑嘗思之吾今年八十有一汝今年五十有三吾之壽命不長汝則限以官守相去又遠遠與汝無復有相見理若我死汝殆得歸汝歸則我不及見汝矣我雖不及見使汝果得歸則妻與子皆有所託吾死何恨嗚呼孰謂我可死而不死汝未可死而死也又嘗思之何今年汝弟一旦汲汲欲為汝了尚平之債二男一女婚嫁俱畢非入也天也不然今日汝既死使男未婚女未嫁其不幸不死甚於今日之不幸乎但恨汝生不得

見其佳兒佳婦耳使死而有知亦可以無恨矣
嗚呼汝之一生蓋棺已定雖曰瞑目他亦不能
與兒女子訣臨終之一語所貴乎得正而斃其
視蒼梧羸博之葬亦何慚乎哉雖然骨肉歸復
于土魂氣則無不之也汝其有知來格來享

祭父洛容知縣

子名澤字時雨芹河泊所官

嗚呼父之云亡痛亦大矣而况於病而不知其
故者哉而况乎死而不見其屍者哉此又不勝
甚痛也其於倫理無所逃其罪其於天地無所
容其身蓋惟我考官宦三年身歷萬險甫得民

於高涼復移化於荒服歸期淹以歲月家奴墮
於道路殊風異俗形影相弔舉目之所親誰歟
可以與論心曲而慰沈離索者又誰也父母妻
子之念或從中來欲見而不可得憂增憤結殆
有不能堪于懷者安得不致疾易而衛生難也
嘗記前年及春首之書齋曰老景投荒未卜生
還之理又曰彼此相望相念不能相顧汝等自
宜樹立我之殘喘則當付之天命乎時則已傷
其言之過于悲口雖不言心則不能忘也竊自
幸者猶以我考平日修身慎行德義無愆天其

福善亦可免夫嗚呼孰謂通濟之別遂為永訣
宜山之報遂為絕音抑人事之難必造物之難
知也誠知其如此則於向之叔氏議遣偕行之
日安得聽父命之不許而忍遠離膝下耶嗟臍
之悔萬死無及雖書策琴瑟儼然手澤之如新
居處笑語倏然聲容之如在終不得見其可畏
之威可象之儀矣嗚呼痛哉今則耄耄之尊倚
門而何望寡弱之母舉案而誰敬顛連二孤身
何託以自立家何賴以自理也誦天呼地五內
分裂奈何道阻而且長時艱而復歎未克迎柩
以襄大事所以東返魂之帛立依神之主斬衰
既服俎豆既陳至誠之感無不格焉也神其鑒
之嗚呼痛哉伏惟尚享

祭兄洛容知縣

痛哉吾兄之未可死也為人子父母日薄西山
養生送死之責有攸在是未可死為人父男不
知有室女不知有家羈孤之身越在萬里亦未
可死至如抱德負藝固當享其祿而永其年性
不過令長年甫五十有三皆未可以死而卒至
於死豈不痛哉伏念吾兄生平學行過人而素

無棺槨及殮送葬之辭辭不得命逼迫上道然
且耕相顧望猶有乞身歸養之志暨乎出宰南
海轉調有粵皆非獲已去家三年凡四得書猶
由宜山者為甚悉且云稍待縣事清簡當自遣
信還平安之報冀在乎旦暮焉至嗚呼孰謂惠
生不測而迺猝然有此凶問乎上使垂白之親
頓絕倚柩之望下使零丁二雛終不得聞過庭
之訓矣所謂天道者誠無知造物者誠無情也
嗚呼吾始有同氣四人不幸而先哭吾姐繼哭
吾弟家間離多故尚可以扶持而濟乎艱迤者

賴有吾兄弟二人在耳癸丑之冬兄出弟處西
南東北各天一方彼此憂勤形於夢寐猶冀秩
滿有日角巾歸第相與奉歡笑於親庭恭徜徉
於田里也嗚呼兄胡為乎復棄我而先殞乎病
而吾不知時死而吾不知日殮不得憑其屍殯
不得扶其棺迨聞乎有喪又未能亟遣嗣子往
迎旅櫬而徒繫風捕影召歸魂於彷彿而祀之
室堂也而今而後吾亦復何意於人間世哉雖
然資父事母不敢不勉此外則當事嫂如事兄
視姪如視子庶幾有慰精爽於冥冥而不愧於

天也嗚呼吾言有窮而情無窮其知耶其不知耶

吳門徐綱徐昂
張致同刊

右西郊笑端集吾郡上洋董良
史先生所作董先攜李胥山舊
族有諱性存者以儒術顯二子
長佐才字良用次紀字良史先
生也明春秋貌魁梧峻整偉然
一儒者洪武壬戌舉賢良方正

受知

高皇帝親擢僉江西提刑按察
司事階奉議大夫無幾辭歸結
西郊草堂為終老之計先君嘗
禮致于家以教鼎鼎時甫弱冠
親炙之者有年後先君坐累戍

塗陽鼎亦棄松庠弟子負侍行
遂成曠別然歲時音問往來恩
義藹如也及歸故鄉而先生不
可見矣俯仰疇昔忽忽四十年
而鼎亦且老矣念先生平生著
作未傳是則後死者之責也因

訪諸同門友章彥裕氏得所謂
西郊笑端集者若干篇亟命子
溥編錄復以自所藏者足成之
將刻以傳庶承學得有所考於
乎先生才名與
國初楊陸諸老相頡頏後必有

名筆為之發揚者鼎不足以與
於斯也集成敬書此以俟
宣德六年辛亥夏五月朔旦門
人舊溪周鼎記



序念先世雖流離奔走不忘文事若此集者吾
祖吾父往來南北時所收輯欲板行之而力未
迨吾父啓手足時猶惓惓以是付不肖歲月駸
駸未畢先志今幸訖工謹此志不肖者之愧板
凡若干片藏諸禱溪家塾來者其慎守云
成化十年歲次甲午正月既望奉政大夫光祿

寺少卿直

文華殿後學周庠謹識

